

BUMWI

 Ndaku lumba, Mukwesu Orman. I Mwami aku longezye.

Mwabuka kabotu, beenzuma. Ncibotu kuba okuno mu cikombelo alubo cifumo cino. Alimwi ndaimvvi buyo kusule okuya nkeswiilila, mbuli Mbwe njila, a kumvwa cisinsime kaciyanbuya mu nzila ya kukanana mu myaambo, a bupanduluzi. Elyo Nda ambila bantu kuti ako kaanda kali zwide akalo, aboobo Nda amba, “Ta ndizi, Ta ndina ambaula ku mwaalumi oyu” (Oyo wali Mukwesu Higginbotham, ikuti na Nda muziba kabotu mwaalumi.) “kwa ciindi cilamfu. Yaba myeezi eelyo Ne kasukana janza lyakwe.” Pele nce ncico Nce kanana, eco ncaamba cifumo cino, nciconya cintu Nce kali kuyo kanana. Ta kazi pe. Nse kacizi lwangu cita mane kaindi kainda, eco Nceli kuyo kanana. Elyo nce ncico buyo, eco ncaamba ndyoonya awo. Aboobo tuli kkomene kuziba kuti tuli bungene mu Žina lyu Mwami Jesu, a kunsu lyu mababa Akwe akwabilila.

² Lino, Nda bona banji baliimvvi, busena buli zwide a kusyankana, a nkabela tula bijilwa kubona ceeci. Alimwi, twa akukonzya buyo, tuyu cibamba bwandeene awa, cikombelo cipati maningi. Lino, Ndi yanda kulungulula zintu kuzwa ku Phoenix cakufwambaana ncobeni.

³ Nda kali kokuno masiku ainda Munsondo a kukanana aa ciiyo ca *Mulalilo* ku i...kakutanaba kuswaangana kwa mulalilo. Mulalilo takuli kulya cinkwa, *kulalila* caamba “kwaambaula ku, kukwabana kuvviila, kwaambaula ku muntu umwi.”

⁴ Elyo lino cifumo cino, ikuti na Nda tola ciindi cilamfu cikubwene, baa, muntu umwi acincane cuuno a yooyo wiimvvi, nkabela ciyo lumbwa, aba kkale aa zyuuno kaindi kaniini. Ndi—Ndi bikkilide maanu ciindi eci nco tuponena. Ndi bikkilide maanu, maningi maningi. Cindi Nda bona zintu kazi citika ezyo Nze bona kazitola busena, kuli cintucimwi muli ndime cikopa. Elyo Ndi yanda kuliiba buyo mu ciindi cangu a kusola ku...

⁵ Mulumbe wa cifumo cino Ndi kanana aa ciiyo ya *Bumwi*. Elyo Ndi—Ndi yanda kuliiba mu ciindi cangu a kusola kucibamba buyo mbuli...ku cibikka buyo kabotu mbuli Mbwe zyi. Elyo Ndi yanda mipailo yanu mbuli mbo mubungene.

⁶ Elyo lino Ndi yanda kuti muvunune, ikuti na ujisi Bbaibbele alimwi uyanda kubala antoomwe a ndime, ku cipati 1 caba Hebrayo, kusaanguna. Elyo Ndi yanda kubala tumpango totatwe tutaanzi twa cipati 1 caba Hebrayo, elyo mpawo Matalikilo 1:26 a 7, kuswaanganya eco antoomwe. Elyo taakwe muntu ukonzya kwaamba cintu cimwi cibotu kwaambwa cita Leza wamu gwasya ku caamba. Elyo—elyo nkweendelana a Mulumbe

cifumo cino, akwalo, kwa bumwi bwa bantu a Leza. Lino muba Hebrayo cipati 1, tula bala ceeći.

Leza, oyo mu ziindi zyakale...mu ziyanza zinji wakaamba mu ziindi zyakaindi ku matata kwiinda ku basinsimi,

Wa kanana eci mu mazuba aya akumamanino kuli ndiswe kwiinda kuli wakwe...kwiinda ku Mwana wakwe, oyo ngwa kasala kuba sikukona ku zintu zyoonse, kwiinda kuli nguwe akwalo wa kapanga manyika;

Walo mu kuba kumweka kwa bulemu bwakwe, a cinkoza cakatondezegwa ca muntu wakwe, a ku yumya zintu zyoonse kwiinda ku ijwi lya nguzu zyakwe, cindi na kasalazy za zibzi yesu alikke, a kukkanala ku janza lya lulyo ilya Üulemekwa kapati ku julu;

⁷ Elyo lino omuya mu Matalikilo, i—i cipati 1 a kampango ka 27, 26 a 27, Nda bala ceeći.

Elyo Leza wakati, Atu pange muntu mu cinkoza cesu, mbuli bukozyanye bwesu: alimwi tuba leke babe a bweendelezi ku nswi zya lwizi, a ku bayuni ba muluwo, a ku ng'ombe, a ku nyika yoonse, a ku zintu zyoonse ziavula ezyo ziavula ansi.

Aboobo Leza wakalenga muntu mu cinkoza cakwe mwini, mu cinkoza ca Leza wa kamulenga; mweenze a muzyazi waka balenga.

⁸ Atu kotamike mitwe yesu aniini buyo mbuli mbo tukomba. Elyo Ndili masimpe kuti kuli nkumbizyo zinji mu bbunga lya musela oyu, aboobo antela tu tambike buyo janza lyesu kuli Leza, oyo ujisi nkumbizyo, a kumu lekela kwiinda kuli ceeći kucizibya kuti tu jisi cintucimwi nco tu yandila mupailo. Leza ape kuli umwi aumwi wanu.

⁹ Mwami, twa bungana kunsi lya ciluli ca cikombelo eci, alimwi tuli lumbide kuba a ciluli atala lyesu sunu, pele kuboola kwesu antoomwe kwali kwa bukanze upati kwiinda boobu. Tu limvwa kuti kwiinda ku cisomezyo ca Leza twa bungana kunsi lya mababa aa Singuzuzyonse. Kuteeti Walo, mbuli nkuku ntumbu mboinga ya vumbilila twana twa nkuku, inga watu kwabilila kuzwa kuli zyonse nzo tu Mu yandila ku tukwabilila. Kuteeti Walo inga watu swena munsi a ku tubamba alimwi kutupa sunu cakulya ca mazuba onse, cakunyama a cakumuuya, kutegwa inga twaba a nsana zimamela mubili zya kweendela aa nyika, a nguzu zimamela zya Muuya Uusalala zya kuleta Ijwi lya Leza ku bantu bafwide nzala. Elyo kuzwa ano a Nguwo ku milomo yesu a myoyo yesu, a Mafuta akunanika mapya loko kutegwa inga twaambila bamwi zya buzuba mbo tupona, a ciimo ca ciindi. Leza, tula syoma cakumaninina muli Nduwe. Taakwe busena bumbi busyeede obo umwi mbwa konzya

kuunka. Tu limvwa mbuli Petro mbwa kacita, buzuba obuya cindi Jesu nakati, “Sa mula inka anywebo?”

¹⁰ Wa kati, “Mwami, nkokuli nko tunga twaya? Yebo olikke nduwe ujisi Majwi a Buumi Butamani.” Elyo nke kaambo twa bungana mu Zina Lyako cifumo cino, nkaambo Yebo olikke nduwe ujisi Majwi a Buumi Butamani. Elyo twa komba kuti uyo bamba eci kuba kasimpe loko kuli umwi aumwi wesu sunu kutegwa myoyo yesu ipye mukati kesu. Buntu bwesu buyo yumizigwa, mibili yesu iponesegwe, myuuya yesu iponesegwe, buntu bwesu kubambwa bupya, kulengwa mbuli bukozyanye obo Leza mbwanga watu yandila.

¹¹ Taata, Nda komba kuti Uyo pa nsana kuli baabo baimvvi mu twaanda a kuzunguluka malambo, a mu milyango yoonse. Nda komba kuti Uyo pa nsana. Alimwi, mukuziba kuti eci cila zumanana aa teepu, iyo inka ku masi aindene, okuya ku manyika a mikowa ya nyika. Elyo, Leza, tula syoma cakumaninina muli Nduwe. Kotupa buyo nsana alimwi i—i Ijwi a bunanike, kutegwa ibe munzila Njo ciyandila kuba ku oora eli. Twa lituula kuli Nduwe lino, kuswiilila kwesu, jwi lyesu, kupakamana kwesu, koonse oko mbuli mbo tubede, twa tuula kuli Nduwe, kutegwa Yebo weende muli ndiswe. Kubeleka kwiinda muli ndiswe a kuyubulula Busyu Bwako upati kuli ndiswe. Nkambo twa cilomba mu Zina lya Jesu, Mwana Wako. Ameni.

¹² I bbala *bumwi* lyaamba “kuba umwi antomwe.” *Bumwi*, “kukamantana.” Elyo, lino, eci nciiyo cikubwene, alimwi ci—ci yandikana kubikkila maanu loko kwiinda Mbwe konzya ku cipa, alimwi kunji kwiinda muntu umwi aa nyika mbwa konzya kupa. Pele Ndi yanda kutondezya muzeezo wangu wa ncico, alimwi, a ceeco Leza nca konzya kutupa. Lino, muli ceeci, nkuiyiisa njiisyo. Alimwi ku bakwesu bayo mvwa teepu eyi, Ndi syoma kuti tacikabi cilebyo, pele ciyo mucitya kubweza ceeci cakulanganya maningi, kunsi lya kulanganya, mubwini. Kuti myuo cila ngalanga munzila ya mupailo, cakupakamana, a ku ceeleka mu cipimyo ca Ijwi lya Leza, kubona naa Nca Leza na pe.

¹³ Nkambo Nda syoma kuti eyo nje nzila njo twe elede kutobelaa lyoonse, kweeleka zintu zyoonse ku Ijwi, nkaambo Ijwi nce Cintu cilikke eco eikonzya kukkalilila. Jesu wakati, “Julu a nyika ziyo loba, pele Ijwi Lyangu tali kalobi.” Nke kaambo Nce Li syoma, a ku Li syoma kuba mabambe aa Leza. Nda syoma kuti Lyalo mulimo wa Leza wakamanisigwa uulembedwe mu Ijwi. Nkikaako, ikuti na cintu cimwi caimpana ku Ijwi eelyo, inga taaba Leza na bubambe bwa Leza. Ndi syoma kuti Lyalo mabambe. Lino, Muuya wa Leza mu Ijwi ubamba Ijwi kuti lipone Lini, kukutauka Lwalyo. Ula pa Ijwi ku buumi, mbuli mbuto.

¹⁴ Lino, mwaalumi mutaanzi a mwanakazi mutaanzi mu muunda wa Edeni bakali mu lumvwano lulondokede a Leza,

maningi cakuti Leza wakali kukonzya kuseluka kufumbwa ciindi Na kali kuyanda a kwaambaula ku mulomo kuyaku kutwi kwa Adamu a Eva. Lino, obo mbumwi bulondokede, Leza a bulenge Bwakwe, Leza kaambaula ku mulomo kuya ku kutwi a Adamu a Eva. Elyo bakali mu lumvwano maningi a Leza mane bakali bomwe a Leza. Leza a mukwasyi Wakwe bakali bomwe.

¹⁵ Kufumbwa muntu a mukwasyi wakwe, mukwasyi, mubotu, ulemekwa, uswiliila uli omwe aumbi, kufumbwa mukwasyi. Elyo ikuti na kuli cintucimwi mu mukwasyi eco ciba tantamuna, nkokuti ta ciluleme, mukwasyi wanyongana amwi. Boonse beelede kuba bomwe, taata a baama, baama a taata, bana a bazyali, bazyali a bana, boonse mu kuzuminana. Elyo, cindi wa bona ceeco, uyo bona ciimo cimwi cibotu.

¹⁶ Obo mbukanze bwa Leza. Alimwi bukanze Bwakwe mbuli Taata, mupatikampatila, bwakali bwakuba bomwe a mukwasyi Wakwe, mukwasyi waansi, Adamu a Eva. Elyo nzila biyo njo bakali kuno konzya kuba bomwe a mukwasyi, na a Leza, nkaambo bupange bwa Leza bwakali muli mbabo. Aboobo baka bambwa a bupange bwa Leza muli mbabo, mpawo umwi aumwi alimwi a Leza, ba kaba bomwe boonse. Sena eco tacili ciimo cibotu, Leza mu mukwasyi Wakwe, Taata keendelezya boonse, mupatikampatila! Taakwe lufu, taakwe buusu, taakwe kuciswa mitwe, taakwe cintu; lutangalo buyo lutaambiki; kwiina kuciswa, kwiina kuciswa kwa mitwe, bomwe buyo a Leza! Ino nciiimo! Nkaambo, mbubonya bupange bwa Leza bwakali mu bantu aba. Elyo nkikaako, eco nco bakacita, ba katobel a ncobeni mu bweende buluzi a Leza, alimwi Leza a mbabo caka babamba kuba bomwe.

¹⁷ Lino, Jesu wakapaila, muli Johane, cipati 17 a kampango ka 11, kuli ndinywe nomu lemba zibalo zya kwiiya kwa Munsondo. Ndi jisi zinji zyalo cifumo cino. Johane 17:11, Jesu wakapaila kuti Mbungano a Nguwe inga baba bomwe mbuli Walo a Wisi mbo bakali Bomwe. Kuteeti Mbungano, swebo mbuli zizo zya Mubili wa Kristo, tukabe bomwe, antoomwe, mbubonya mbuli Walo a Wisi mbo bali Bomwe. Elyo ku buzuba obuya inga tuyu ziba kuti Wa kali muli Taata... Taata muli Nguwe, alimwi Walo muli ndiswe, kuti toonse twa kali bomwe. Ino ndukamantano, bumwi inga bwaba, kubona Leza mu Mbungano Yakwe kusikila cizo acimwi cili mu lumvwano kabotu a umwi umbi a Leza. Eyo nje Mbungano Jesu nya boolela. Nce ciindi mupailo Wakwe nouyo vwiilwa, kuti tuyu oba bomwe.

¹⁸ Elyo nto twaambo twini tulikke twa luswaanano oto Leza ntwa kasola kulibambilia Mwini a Mbungano Yakwe, mbumwi bwa Nguwe mu bantu. Oto nto twaambo twini tulikke twa luswaanano. Elyo nzila biyo njo konzya kuba a twaambo twini oto nkwiinda ku lukamantano, ku kamantana a Nguwe kwalyoonse. Mbubonya mbuli cindi wa kamantana a mulumi wako, mwanakazi waka mantana a mulumi wakwe, ncikonke

mane ku lufu. Lino, mpawo cindi wakamantana a Leza, ncintu nciconya cakuti mbungano ya kamantana a Kristo, mane ku lufu notuyo andaana. Elyo mpawo na tobisya na kucita cimwi cilubide, uyo kamantana a Leza Cabutamani. Elyo lufu luzutu ndolu konzya kukugusya kuli Leza, alimwi kutali lufu lwa kunyama pe, pele cibi ca lufu. Cibi ndufu, elyo eco cikugusya kuzwa kuli Leza. Aboobo, ku kamantana a Nguwe mu Muuya wa nguzu Zyakwe, Mbuumi Butamani, wa kamantana a Leza Cabutamani. Oh, Ndi yanda kusika kuli ceeco kwainda kaindi kaniini. Kukamantana Cabutamani a Leza Uutamani, mu lumvwano cakulondoka a Nguwe, kukamantana cakulondoka antoomwe, Mbungano kuti boonse, Leza a Mbungano Yakwe, bali bomwe, kakamantana antoomwe.

¹⁹ Elyo ikuti na mula bona obo Eva mbwa kakamantene a Adamu, waa kali cibeela cakwe. Leza, sena mwabona mu Matalikilo 1:27, Wa kalenga mwaalumi mweenze a muzyazyi, Wa kabalenga. Lino, muntu wakali ii... kobilomweenze a muzyazyi ni caka boola ku muuya wa bwanakazi a bwaalumi. Mpawo Leza waka gusya kuzwa ku lubazu lwakwe ii—ii kabambo. Sena mwakabona kuti cibeela ca mibili cakali cipangulule, pele kutali muuya? I cibeela ca mibili wa mwanakazi cakali cipangulule, bulenge nibwa kamana kupangwa, Leza waka gusya ku lubazu lwa Adamu kabambo a kupanzya mwanakazi. Pele kutali muuya, muuya cakali cibeela ca Adamu, nkambo wakali kobilomwaalumi a mwanakazi, bwanak-...kukanana cakumuuya, kobilomwaalumi a bwanakazi.

²⁰ Lino, sa tamubwene ciimo cipati? Swebo, mu mibili, tula andeene. Tuli mbuli cipangulule, cilenge cakalengwa, kwiinda ku lukwatano lusalala. Pele mu Muuya tuli bana balombe abasimbi, kutali muuya uumbi, pele Muuya wa Leza muumi. Tuli mu bukozanye Bwakwe, mu lukamantano Lwakwe, mu cinkozya cilondokede ica Leza muumi, nkaambo tuba bana balombe abasimbi. Kutali bapambukide, pele Muuya nguonya, Leza nguonya, Muntu nguonya, kaswaanganisigwa mu lukwatano kuli Uutamani. Mwabona obo Leza mbwaka cikanza kuti katu taandeene, pele Nguwe! Kutali cilenge cimbi pe ca mukowa umwi, pele lukamantano lwini a lunyungu lwa Singuzuyonse, kacitwa kwiinda ku lukamantano lusalala. Lino, mibili uzwa kuli banyina a bawisi, pele Muuya uzwa kwa Leza, Leza kalyapaula Mwini mbuli Adamu mbwa kaapaulwa.

²¹ Aa Buzuba bwa Pentekoste, tu jana kuti Muuya Uusalala, Musumpululu wa Mulilo, kaulyapaula Wini a kukkala a zizo zyoonse zya Mbungano eyo, Leza kalibikka antoomwe Mwini! Mpawo a nkamu eyo ya bantu antoomwe, ino cicita nzi? Ci josya Mubili ukamantene iwa Mwami Jesu. Kuboola antoomwe!

²² Elyo sunu mu kwaandaana oku kupati nko tuponamo, kwiimpana kwa tubungwe a zintu, ino cifwisya nsoni, ino mause!

²³ Kaswaangana mu lukwatana Lwakujulu kuli Leza Utamani, cibela ca Nguwe, cibela ca Leza. Mu mubili Ndi ba Branham nkaambo ka bataata, Branham. Uli cibela ca bauso a banyoko, pele mu muuya tuba mu lukamantano a Leza, ncibela ca Leza. Ako nkekaambo kakuti muuya taukonzyi kufwa. “Oyo usyoma ali Ndime ujisi Buumi buteeli. Elyo mu cinkozya ncabede ano a nyika, a mu bukozanye Bwakwe, Njo mibusya ku mazuba akumamanino.” Kutali cilenge ca muuya, nkambo tuyoooba a mubili mbili Mubili wabulemu iwa Leza, Mubili wabulemu wa Mwami Jesu, busigwa mu Cinkozya Eco.

²⁴ Jesu wakati, kaunka ku cuumbwe ca Lazaro, “Ndime bubuke a Buumi. Oyo usyoma muli Ndime, nekubakuti uli fwide, uyo pona nekuba. Alimwi kufumbwa umwi uupona a usyoma muli Ndime ta kafwi pe. Kosyoma *muli* Ndime, kutali *ali* Ndime, pele *muli* Ndime.” Kuba *muli* Nguwe, kusyoma! “Ikuti na mwa kkalilila muli Ndime a Majwi angu muli ndinywe.” Muli Nguwe, kusyoma! Oh, ma! Nda syoma Muuya Uusalala wa cipa kubonwa ncobeni kuli ndinywe. Lino, muli katanga kaniini, nke kaambo kwiinda mu mvwiki, kupaila a kulomba Leza, Nda kasala cibalo eci, ku kumutondezya awo mpo twiimvvi. Kusyoma muli Nguwe. To konzyi kusyoma muli Nguwe kusikila wasika kuli Nguwe, na, Wa boola muli nduwe, mpawo uli mukusyoma muli Nguwe, mpawo uli jisi Buumi Butamani. Uli mukusyoma *ali* Nguwe kusikila watambula Buumi Butamani, mpawo Buumi Butamani Mbuumi bwa Leza muli nduwe, mpawo uli mukusyoma *muli* Nguwe.

²⁵ “Yebo muli Ndime, Mebo muli ndinywe. Kutegwa babe bomwe, Taata, mbubonya Yebo a Ndime mbo tuli Bomwe.” Leza muli Kristo, Kristo mu Mbungano. Mwabona? “Mbubonya mbo Tuli Bomwe, kutegwa babe bomwe.” Mpawo mbobutu mbo bakonzya kuba bomwe? “Ikuti na mwa kkalilila muli Ndime, Majwi Angu muli ndinywe.” Mwabona, kkalilila! “Majwi Angu muli ndinywe, mpawo amulombe cintu neco muyanda.” Nkambo tamu cili ndinywe, ndi Ijwi lili muli ndinywe, nkabela Ijwi ngu Leza.

²⁶ Lino, Ijwi lya Leza ndi Cceba. Bahebrayo, cipati 4, yaamba boobo, Bahebrayo 4:12. Lino, ndi Cceba. Alimwi cceba talibeleki ncobeni ikuti na tali pedwe ku janza na nguzu. Elyo li... pele kutola janza ku jata Cceba. Alimwi citola janza kujata Cceba eli, ndi janza lya Lusyomo.

²⁷ Lino, eelyo janza lya lusyomo, citola mbuli mbolili jumu. Eli janza lya lusyomo inga kalili jumu buyo kweelede kudonkola kapulo kwiinda mu mudima a kwaamba, “Ku lusyomo Nda kafutulwa.” Oko nkudonkola kupati, pele, mpawo, ikuti nkukoonse kuyuma loko janza elyo nkoli lipa ku Cceba eelyo, nkukoonse nkoli konzya kudonkola. Pele, ikuti na ndi janza jumu, liyo tenda kwiinda mu zintuzyonse dyabulosi nzya konzya kubikka alya, kubamba cisomezyo coonse ca Leza kumweka

mu nguzu zya bubuke Bwakwe. Ikuti na ndi janza jumu lya lusyomo, "I mazuba aa malele! Jesu Kristo, mbobuca nguwenya, sunu, amuya myaaka," kutenda munzila yalyo. Citola nguzu zya janza kunze lya Cceba.

²⁸ Elyo Cceba lilabosya maningi. Bahebrayo 4, kati, "Li labosya maningi kwiinda cceba lya mabemba obilo elyo litenda kobilo kuboola a kujoka, alimwi akwalo kuunka ku i—i mumpolyo wa cifuwa, a mu maswaanino, a sikutweluka wa miyeeyo ya moyo." Lila indilla cakunyama, linjila mu cilao cakumuuya a kubweza miyeeyo ya moyo a kwiyyubununa. I Muuya wa Leza, Ijwi lya Leza.

²⁹ Lino, eelyo Ijwi liyo tenda mukati omuya ikuti na kuli kuboko kukubwene kunze lya Ndilyo lyaku Li tontela mukati, liyo jana busena bwa Ndilyo a kutenda cisyomezyo coonse a ku Li pa kuli nduwe, ikuti na ujisi kuboko kukubwene kuyumu kunze lya Ndilyo. I Cceba, ku Li bweza mu kuboko—ii kuboko kwa lusyomo! Ku Li jata canguzu, ku Li jatilila a kweenda mu meso a sinkondo. Mbobuti ulya sinkondo uutapalwidwe mbwa konzya kusola kwimma mu Busyu bwa Leza Uutamani? Aboobo, kobweza Cceba lya Ijwi, nkabela cisyomezyo coonse nci cako. Ko Li bweza mu janza jumu lya lusyomo, koenda kumbele! Ikuti na uyanda kuponesegwa, kolutenda kubellesya Ijwi, "Jesu Kristo, mbobuca nguwenya, sunu, amuya myaaka." Ikuti na uyanda lufutuko, cisyomezyo coonse mu Bbaibbele nci cako. Cili bikkidwe kusule okuya nkabela Saatani usola ku cisisa, pele bweza Cceba a kutonta kwiinda mu mudima kusikila Mumuni wa Leza wa mweka mu buntu bwako alimwi ujisi cisyomezyo. Uyo cicita.

³⁰ Adamu wakali cibeela ca, na, Eva wakali cibeela ca Adamu, waa kali mibili wa mibili wakwe a cifuwa ca cifuwa cakwe. Alimwi olo ndolukamantano lululeme mbo lubede. Alimwi olo ndolukamantano lululeme lwa Mbungano mbo lubede, Muuya wa Muuya Wakwe, Ijwi lya Majwi Akwe. Kutaleya kuzwa ku Ijwi, musyomi wini ncobeni takia limvwanyi mvwanyi aa Ijwi lili lyoonse. Amuyeeye, lyakali buyo Ijwi lyomwe Eva ndyakalimvwanya mvwanya, Ijwi lyomwe. Pele musyomi wini takalimvwanyi mvwanyi aa Ijwi lili lyoonse. Liyo jatilila Cceba lya Lusyomo a...mu lusyomo, mubwini, Cceba lya Ijwi, a kutaminina cisyomezyo coonse Cisetekene eco Leza nca kapanga. Nce ncico.

³¹ Bakali mikozanyo ya Leza kuli ndiswe, obo mbo tweede kuba, balo, baliko lyonse, bata kakilwi. Cindi ba kanana, Leza waingula. Wa kablangilila, mazuba onse. Masiku, cindi nebakali kulala koona, Wa kali kublangilila. Mu ciindi casikati, Wa kaba sololela, waka basanina, waka bayanda, waka kwabana ambabo cakuzumanana, ciindi coonse. Bakali mu cinkozya ca Leza, alimwi Leza wakali muli mbabo. Eci nce cipanga luswaanano. Eco nce cipanga lukamantano, ngu Leza mu

Mbungano Yakwe. Olo ndukamantano. Kunji inga kwaambwa, jisi masena manji a kuunka. Kakamantana a Nguwe, bwalo Mbuumi Butamani. Elyo nzila biyo mbo tukonzya kukamantana a Nguwe nkuboola ku kabeela koonse ka Ijwi Lyakwe. Mbo mbubo, kubweza cisyomezyo coonse a ku Ci syoma.

³² Lino, Eva wakali kamantene kusikila na katyola Ijwi lyomwe, na, kazumbauzya Ijwi lyomwe mukuba lya bwini. Eco caka mwandaanya. Lyoonse Ijwi, “Muntu taka poneni ku cinkwa cilikke, pele ku Ijwi lyoonse!” Aboobo tula konzya kuba muli Leza, katu kamantene, nkaambo Adamu a Eva, kaba tana kuwa, kakutanaba kuunduluzya Ijwi, bakali mukozyanyo wa booboo mbo twa kali kukonzya kuba muli Nguwe. Ku kamantana a Nguwe, bwalo Mbuumi; kwandaana kuzwa kuli Nguwe, lwalo ndufu. Lino, ikuti na twa tobela milao Yakwe!

³³ Tu lizyi kuti tula lubizya, pele ta mwellede kulanga ali ceeco. Tabuli bulubizi bwanu, nkaambo myooba a mbubo lyoonse. Pele, nywebo mwabona, nkutobela Malailile Akwe, kutobela eco Nca kaamba kucita. Kuli fumpula a kuwa tazi jisi cintu comwe cakucita a Ndilyo. Ii mulanda wini ncobeni, ikuti na wali fumpula, uyo buka alubo. Ikuti na wadebeli, Leza ula mukwela ncobeni kujokela mu kazila, kufumbwa kuti kali mu kazila ka bulizi. Pele ikuti na wazwa mu kazila ka bulizi, Leza tasinikizidwe kuli nguwe. Pele kufumbwa kuti kali mu kazila ka bulizi, Leza uli sinikizidwe kuli nguwe, mukuziba kuti mwaalumi na mwanakazi buyo. Uli sinikizidwe ku muntu oyo kufumbwa kuti kali mu kazila ka bulizi.

³⁴ Lino, Mbungano lino yatangwa kuli Kristo nkambo ka mucado. I mucado tauna citwa pe, uyo citila ku Cilalilo ca Mucado ica Mwanaambele. Aboobo, tula bona kuti Mbungano ili tangidwe lino, mbuli mwaalumi ku mukaintu wakwe. Ino ucitanzi kuciindi noba tangene? Wa abila misyobo yoonse ya zintu, kumu tumina zipo, kumubamba kulimvwa kabotu. Ee, nce ncico Kristo ncali mukucita ku Mbungano Yakwe. Uli mukututumina zipego zya Muuya. Mbobuti mbo konzya kutangwa mpawo kakuli ukaka kuba kwa zipego ezi? Twalo ntuzibyo twa luyandisyo. Nkazibyo ka Leza ku mbungano. Jesu wakaamba booboo, “Ezi zitondezyo ziyo batobela abo basyoma.”

³⁵ Lino, amubambe zintu ezyo mu mizeeo. I Mbungano yeelede kusyoma Ijwi lyoonse, cisyomezyo coonse, kabeela koonse, a ku Li taminina kuli lwabo, akukutauka beni muli Ndilyo. Ikuti na Nda katanga ku musimbi, alimwi Nda kali mwaalumi utakwete, nkabela inga Nda mutumina cintucimwi, nweenwe ya kutangana, na ta yandi kwisisama, mpawo eco citondezya kuti tandi syomi pe. Ta—ta—ta yandi kuba nabwiinga wangu. Elyo ikuti na Kristo watumina mbungano Yakwe zipego Nzya kasyomezya, nkabela bazikaka a kwaamba kuti “tazili boobo,” taba yandi kuba Nabwiinga wa Kristo. Ba tangidwe kuli sikukwata umbi, a kutali kuli Kristo, Sibwiinga. Aboobo

Mbungano ini ilabamba cisyomezyo, a kubamba zyoonse, a kuzumina zipego ezyo Leza nzya ba tumina. Ncibotu.

³⁶ Lino, bantunsi bataanzi bakali pambula beni kuzwa kukusyoma Leza, kwiinda kukutasyoma Ijwi Lyakwe a kuswiilila bubeji bwa dyabulosi. Lino, eco ncintu citaanzi caka pambula lukamantano olu lubotu. Lino amulange, Adamu a Eva mu busena bwa kutafwa, mu busena bwa ku tacembaala, kuta ciswa, kuta pengaana.

³⁷ Yebo wati, “Ndili masimpe Ne kakonzya kuba boobo.” Andi... Ndi jisi makani ako, uli mu busena mbubonya. Leza ulabikka eco ku zilenge zyoonse aa nyika, mu busena mbubonya.

³⁸ Cakali cipangano nzi? “Ikuti na mwa bamba Majwi Angu! Ikuti, Ijwi Lyangu, ikuti muyo Li bamba, ku Li syoma a ku Li kutauka!” Pele ciindi citaanzi nciconya eco Eva nca kaunduluzya, kagusya Ijwi lyomwe kuzwa kuli ceeco Leza nca kaamba, caka mwaya luswaanano ku lukamantano olo lupati. Elyo miniti mbungano yaunduluzya kufumbwa Ijwi lyomwe ilya Leza lyamu Bbaibble, a ku Li bikka amwi ambi, mpawo balazwa ku luswaanano olo lubotu lwa kapegwa kuli mbabo, a kwandaanisigwa. Mbwa kacitila ceeco, lufu lwaka talika mu buntu bwakwe bufwika. Kutali buyo bufwika bwakwe, pele buntu bwa kumuuya kwakwe. Waa kazwa mu bulongwe a Leza, miniti na kaunduluzya. Elyo taakwe muntu ukonzya kusyoma... Nceeci mbo cibede! Taakwe mwaalumi, taakwe mwanakazi ukonzya—ukonzya kusyoma bubeji bwa dyabulosi kusikila saansi baunduluzya Bwini bwa Leza. Taakwe umwi ukonzya kusyoma bubeji bwa dyabulosi kusikila saansi waunduluzya Bwini bwa Leza. Aboobo, nywebo mwabona, Eva, Adamu, awo mpo citubikka cifumo cino?

³⁹ Lino atu yeeye cakusinizya, nkaambo tatu kayeeyi limbi kwaakumana obu, kwaakumana buumi obu bufwika. Kuyeeya kwanu ndilino. Tamu kakonzyi kusala kwaakumana obu, mweelede kusala lino, nkaambo obu mbuzuba bwa kusala, kubamba mizeeo yanu. Lino walo, Ijwi lyomwe, kutali Dikalogi yoonse, Ijwi biyo lyomwe, waa kabuzya Leza nkaambo caka zibisigwa kuli nguwe mu mumuni oyo, kuteeti Ijwi eelyo lya kabuzigwa. Ijwi lya Leza tali konzyi kubuzigwa, Wa kakanzila eco Nca kaamba. Pele waa ka Li buzya nkaambo caka zibisigwa kuli nguwe, “Oh, Leza ncobeni takanzili ceeco.” Pele Wa kakanzila ceeco! Leza ukanzila Ijwi lyoonse Ndyamamba. Alimwi Tali yandikani bupandulizi bumwi bwa muntu, Lili mbubonya buyo Mbwa ka Lyamamba.

⁴⁰ Ee, kwaamba, “Mbobuti mbozi kujatikizya Bbaibble.” Nda syoma kuti Leza wangu wakasololela Bbaibble eli, Ula mamela Ijwi Lyakwe. Wa kalizi kuti batasyomi mukuba leza a batasyomi mukuba bukombi bwabwini bayo buka mu mazuba akumamanino, aboobo Wa ka Li mamela. Eyi nje nzila ini

Leza nja ka Li kanzila. Ni nzila mbo Li bede kuli ndiswe lino. Lino twe elede ku Li syoma. Ijwi lyomwe kuzwa kuli Ndilayo, nkabela tu sweekelwa luswaanano Iwesu, kuleya ku njila mu—ku lufu, kwandaanisigwa Kutamani kuzwa kuli Leza, mbubonya mbuli Adamu a Eva mbo bakacita. Twe elede kusyoma Bwini bwa Leza.

⁴¹ Andi bambe ceeco alubo. Uta unduluzyi Ijwi lya Leza limwi lya mu Bbaibbele. Pele kwaamba buyo, "Iyi, Nda Li syoma." Kwaamba "pele"? Peepe, takukwe cintu kujatikizya ceeco. Na ula Li syoma, uyo Li zumin. Ikuti na wa Li bikka ambali, kwaamba, "Ee, mbungano yangu tai Li syomi boob," nkokuti tosyomi kuti Ndi Ijwi lya Leza, alimwi uyo tantamuka kunsu lya kupegwa mulandu nkukonya oko Eva nkwa kazwida ankuko. Wa kalyaandaanya lwako kuzwa ku Butamani kakuli wa kajisi coolwe caku kamantana a Nguwe. Lino, yeeya, Eelyo tali konzyi kubuzigwa pe, nkaambo Lya kali Ijwi lyomwe, kuti, mu Ijwi lya Leza.

⁴² Elyo, lino, ikuti na Leza waka buyo ii—ii Majwi masyoonto okuya bantu ngo beeledé kutobela, alimwi mu Majwi masyoonto kwalo lyomwe lya ngawo tii lyaka pandululwa kabotu, lyakacitya lufu, amulange Majwi ngo tujisi sunu! Mwabona? Twe elede kutambula oonse, kujatilila kuli ngawo a kunjila muli ngawo mbuli zisyomezyo kuzwa kuli Leza. Elyo mukaintu wini wa Leza uyo cita ceeco, umwi waka tangwa kasimpe. Lino, Nda syoma zintu ezi ziniini ziselemuka kusakana lino kutegwa tu konzye ku zijata.

⁴³ Ncinzi cintu citaanzi caka citya Eva kuunduluzya Ijwi lya Leza? Kakali kaambo kakuti Saatani waka musyomezya busongo bunji, "Uyo oba musongo." Lino, nywebo mwabona, mukowa wabantu woонсе utambikizya kujata cintucimwi. Elyo Eva wakali kutambikizya kuba a busongo bunji.

⁴⁴ Lino atwiime kwakaindi kaniini buyo. Sa eco tacili ciimo ca inyika sunu? Ba yanda busongo bunji, musela mubotu maningi, bayiide kapati, kuyanda cintucimwi eco caandene, busongo bunji. Mbo mbubo Eva mbwa kali kuyanda. Pele andaambe ceeci acalo, kuteeti taakwe busongo bukonzya kwinda bwa Leza, nekubaboobo Buli mu ciwa cibombede cakuti bantu bala Bwi impya.

⁴⁵ Saatani, mbuli Mbwe kaamba ziindi zinji, ula balama, pele Makanimabotu alamweka. Oh, kuli lwandaano lukubwene akati ka kubala a kumweka. Hollywood ilabalama, pele Mbungano ilamweka ku nguzu a luyandisyo lwa Leza. Hollywood ilabalama. Lwandaano lukubwene akati ka kumweka a kubalama. Ta tuyandi kubalama. Tu yanda kumweka.

⁴⁶ Sunu, ncibi loko kuyeeyaa ceeci, pele mambungano asola kuyaamina ku kumvwisya kwao eni, mbubonya mbuli Eva mbwa kacita. Waa kali kuyeeyaa kuti, nkaambo kwa kazabisigwa

kuli nguwe, kwaka boneka kasimpe loko. Oh, muta kakilwi kumvwa ceecei. Ca kaboneka kuba kasimpe loko, cintucimwi cakali kukonzya kuyungizigwa ku cintu Leza nca kaamba. Cakali kuboneka kuti nakaba a cintucimwi eco Leza nca taka mwaambila kubona buyo kusakana mbwa kali kukonzya kuunka. Leza taka mupede munkali wa munyinza mbuli Mbwa kabamba lwizi nkabela ta cikonzyi kwiinda nkaambo mweezi ula lumamela. Wa kayeeya... Waa kayeeya kuti Saatani waka jisi cintucimwi mukumvwisyabotu, mbuli mbo twaamba, kuti waa kacili kukonzya kuba mu lukamantano a Leza, nkabela kacili musongo loko, na kaba a lwiyyo lubotu loko. Pele Leza waka mwaabila mbubonya buyo eco nca kabulide.

⁴⁷ Elyo Wa kaabila mbungano cintu nciconya. Oko takuli kupindamuna kwacaali kwa seminari, na kunjila na kupindamuna kwacaali kuzwa mu ii—ii cikolo ca Bbaibbele. Pele Nce ncico cilembedwe, alimwi MBUBOOBU MBWAAMBA I MWAMI! Ta konzyi ku Li cinca! Pele mambungano ayaamina ku kumvwisyabotu, Alo—alo ayeeya kuti ndiza nci ii... kuli cintucimwi cibambilidwe mbabo, nkabela cila cenga.

⁴⁸ Nde elede kulindila buyo awa aniini. I inyika mboizulwa iyaamide ali ceeeo. I buvubi mbo buzulwa bwa cisi eci buyaamide a muzeezo wa lweeno. Ku mwaambila kudana kuniini ali lwangu, takuli kudana; pele mulizi kuti toonse swebo tula bayanda bamakaintu besu, na, twe elede kucita. Elyo Nda kali kulanga bubambe awa ciindi cimwi cainda okuya Kumbo, caba ciindi cilamfu cainda, kutandila myaka yotatwe. Elyo mu kaanda kangu cifumo cimwi Nda kasinsimuka, nkabela kwakali televizhioni yaka bikidwe mu kaanda. Elyo Nda kayeeya, “Kuboneka mbuli bube bwaciindi bubi.” Elyo Nda kayeeya, “Ee, aa eiti okuloko beeledge kuti bajisi makani.” Elyo Nda kabweza bbuku liniini liyiisa kubelesya, lya katimakani a ciindi citeenene.

⁴⁹ Nda kajula makani, elyo cindi Ne kali kumvwa makani, mpawo Nda kabona kuti akati ka mabambe amakanibala kaima kuya kukuzibya musyobo umwi wa zintu, musyobo umwi wa cigusya tombe. Elyo wakati, “To ceelede limbi kusanza mitiba yako, mulindu. I cintu biyo ca kucita nku yiimikizya buyo mu maanzi a kwiilekela omuya maminiti masyoonto, kwiigusya a kwiibikkia aa kasanza, kwa mana.”

⁵⁰ Nda kayeeya, “Ndiyo oba sintaze cindi Nda sika ku ng’anda.” Nda kalemba zina lyawo, cintu cili boobu. Nda katimakani, “Njo wambila mukaintu wangu kuti, ‘Langa cintu Nce konzya kucita!’”

⁵¹ Aboobo Nda kaunka a kuula bbodela lya cintu eci ca *boobu-a-boobu*, nkabela Nda kacisinina atala a maanzi oonse. Ka mwaambila kuzumanana kupyaanga ng’anda, Ne kacili kubelekela nguwe. Aboobo Nda kabweza mitiba ya bana a

kukololola tufwefwelenga, a zimwi zimbi, a maji kaanamatide ali njiyo, a kwiilosya mu maanzi a kwilekela kukkala maminiti masyoonto, a kwiigusya a kwiibikka atala alya. Kwakali maji mbubonya ali njiyo mbuli cindi Ne kaibikka omuya. Mwabona, Nda—Nda kasweekelwa ku... Mukaintu wangu naka sweekelwa kaanzambwene muli ndime ku ciindi eco.

⁵² Nywebo mwabona, nkaambonzi cisi, nkaambonzi ezi... cisi eci kulekela bantu kweenwa? Eco ta ceelede kuzumizigwa kwaambwa booboo. Eco ceelede kuti cilwana mulao. Kujatikizya kuzibya kwasunu kwa misanga yatombwe, ino mause, "Kutali kukola mu mikuli ya mootokala," misyobo yoonse. Eco ta ceelede kuzumizigwa. Ino cicita nzi? Cila cenga. Kuli lulu muli cimwi acimwi cazyo. Kuli lulu mu kunywa whisky; kucubila, bujayi, busondosi, mu bbodela. Pele nekubaboo tula zumizigwa ku zibikka aa mabambe esu a ku zyaambiliza mbuli "I musyobo oyo syaanene ngwa kanywa. Lutangalo kuzwa mu buumi," misyobo imwi ya kukondola kwa bukoko a zikola. Ino ncinzi? Ku cenga. Nku bikka cintucimwi kunembo lya buleya kuti bali jaye beni. Elyo tula zumizigwa kucicita.

⁵³ Elyo andi nyone ceeco ncobeni alimwi. Elyo mambungano kwiinda ku kayanza kabukombi kakapangwa aamuntu, buzumini bwa bukombi bwa kapangwa aamuntu buli mukubikka malwanino mapati ku bantu, nkabela bali mukucengwa kuli ngawo, lulu ndufu. Taakwe mbungano iyo salazya buntu bwako. Taakwe buzumini bwa bukombi bukonzya kusalazya buntu bwako. Cita Bulowa bwa Jesu Kristo mbo bukonzya kusalazya buntu bwako, cisilisyo ca Leza, Cili iminidwe. Aboobo nca bubeji buyo, pele bantu ba yaamina aa kumvwisya kwa musongo, nkabela bala fwa kwiinda kuli nkuko. Elyo bantu sunu bayaamina ku kumvwisya kwa—kwa buzumini bwa bukombi a tubungwe, nkabela bali mamilioni mbuli ngulube zyakajaigwa kabadumpukizya nzila zyabo mu mulindi uutagoli wa gehena. Ino mause mbwa bede. Tula kasigwa kuyaamina ku kumvwisya kwesu kwini. Ta tukonzyi kusola.

⁵⁴ Nywebo mwati, "Sa kkango ya bantu tai konzyi kwaamba kunji kujatikizya ndilyo kwiinda muntu omwe?" Kutali kuti muntu oyo omwe waamba Ijwi lya Leza. Kwakali basinsimi bali myaanda yone ciindi cimwi baka boola kumbele lya bami bobilo, nkabela baka yeeme ku kumvwisya kwabo beni. Pele kwakali omwe wa kakkala a Ijwi lya Leza a kucitondezya kuti wa kali luleme, Mikaya. Ciyaamina akuti naa ndi Ijwi lya Leza. Kufumbwa cintu ciimpene ku Ijwi cili lubide, kunjila lulu. Taakwe busongo bukonzya kwiinda busongo bwa Leza. Ngo musongo wa basongo boonse. Walo i—Walo Nkasensa. Walo matalikilo alikke aa busongo. Ijwi lya muntu lyoonse mbufubafuba a bubeji, pele lya Leza, ikuti na liliimpene kuli lya Leza. Lino, ikuti na muntu waamba Ijwi lya Leza, mpawo tali—

tali cili ijwi lya muntu pe, ndi Ijwi lya Leza. Mwabona, takuli kumvwisya kwa muntu.

⁵⁵ Saatani uyo mubambila misyobo yoonse ya zisyomezyo, pele ta jisi cintu caku mupa, nkaambo ta jisi cintu pe. Ta jisi lufutuko. Niinzi Saatani? Kufumbwa cintu ciimpene ku Ijwi. Ta jisi lufutuko, ta jisi Mumuni. Bwami bwakwe mbwa mudima, mamanino ambubo ndufu. Mudima a lufu mbwami bwa Saatani. “Mukwesu Branham, ko ciloolola. Niinzi bwami bwa Saatani?” Kufumbwa cintu ciimpene ku Ijwi lya Leza.

⁵⁶ Lino, eco cila nyonganya, pele nciindi ca kunyonganya. Mwabona? I mutabi, musamu, ikuti ukazyale, weeleda kukokwedwa. Calo nciindi.

⁵⁷ Kufumbwa cintu ciimpene ku milazyo ya Leza, Ijwi lya Leza, tali Leza. Ino ncinzi, ncinzi cibi? Bululami bwakasandulwa sandulwa. Niinzi lufu? Buumi bwakasandulwa sandulwa. Niinzi bwami bwa Saatani? Kufumbwa cintu cibamba cintucimwi kubweza busena bwa Ijwi, kufumbwa cintu, kufumbwa kwiiya. Ijwi lyomwe, ijwi lyomwe buyo. Mweelede kusyoma kabeela koonse, Eva wakasyoma kabeela koonse ka Ndilyo kuli eelyo Ijwi lyomwe. Eelyo Ijwi lyomwe nkukoonse nkwa kali kuyandika kuunduluzya. Eelyo Ijwi lyomwe nkukoonse nkoyandika kuunduluzya.

⁵⁸ Lino atu cilange. I nzila biyo ya kukkanala mu luswaanano lwa Buleza, lwakali lwa kubamba Ijwi eelyo. Leza wakati, “Ka mucita *eci*. Mu tano citi *eci*. Ka mucita *eci*, alimwi inga mwa cita *eci* a kucita *eci*. Pele muta citi *eci*.” Lino, kabeela biyo komwe ka mulao ako nkata kaswiilila, a kutalisya cintu coonse. Nkaambo waa kacita ceeco, wakacitya mwana oonse uwanzala waka sola kuba mu inyika, kucisa koonse kwa lufu, buusu boonse, kucisamitwe koonse. Waa kacicita mpoonya awo. Ino ncintu cibyaabi, kutasyoma Ijwi lya Leza. Muntu aumwi uutongela mu macise a lufu loonse lwakasola kuba na kusola kuyooba, waa kacicita mpoonya awo. Aumwi mwana muniini wamusokwe, waa kacicita mpoonya awo, aumwi mwana wakazyalwa kunsi...kunze lya lukwatano. Cibi coonse eco caka solwa kucitwa, waa kacicita nkoonya okuya kwiinda mu kubamba Ijwi lyoonse kumaninina pele busena bomwe buniini awa. Waa—waa kabuzya buzya. Waa buyo...Ta kabulanga buyo. Waa kali cizi, pele waa buyo...Waa koongelezegwa kucita cintucimwi cibotu loko nkaambo waa kasyomezegwa musela mubotu loko wa bantu, busongo bubotu loko, ku Li ziba maningi ikuti na kacita *eci*. “Bakutausi besu bayiide kabetu loko. Tu jisi musela mubotu loko.”

⁵⁹ Taakwe musela mubotu loko wa bantu mu inyika kwiinda baabo babamba Ijwi lya Leza. Abo mbe babotu kwiinda. Oyo ngo musela ulikke Leza ngwa langa. Kaindi buyo kaniini alimwi ndiza Leza uyo tulekela ku cinjila.

⁶⁰ Bwami bwakwe bulu konzya kusyomezya cintu citabiyu lufu. Kwa mana nkwa jisi. Ngu sikwaanza lufu. Ula konzya kusyomezya bubeji nkaambo ngu wisi wa bubeji. Ta konzyi kukupa Buumi. Ta konzyi kukupa Julu, ta jisi Julu lya kukupa.

⁶¹ Amu ciyeeye! Ijwi lyomwe, kuunduluzya Leza kwiinda mu cisyomezyo ca dyabulosi na cilengwa cakwe, Ijwi lyomwe, li kutumina mu kupenzegwa. Nje nzila mbo cakatalika. Elyo ikuti na Leza, mu luse Lwakwe mbuli Mbwa bede, inga watuma kuvula oku kwa gehena aa nyika, a kucitya bana baniini bafwanzala, misyobo yoonse ya mapenzi, a bantu bafwa nzala, a lufu mu nyika, nkaambo Ijwi lyomwe, kumatalikilo, sa Na taka konzya kucilingula a kutaamuka kuzwa kukuba a kuvula oku koonse kwa kupenga? Sa Na taka konzya kucicita? Mpawo ikuti na Ta kajatila Ijwi lyomwe okuya, mukuziba kuti eci ciyooba nce cicitika, nkunji buti Nkwayo jatila Ijwi lyomwe okuya cindi mugame nayooba mupenzi alikke, oyo uutasyomi. Amu ciyeeye, cintu cibotelezya maningi.

⁶² Lino, cindi Adamu a Eva niba kaswiilila bubeji bwa dyabulosi, cinkozya cisalala ica Leza caka basiya, luswaanano lwabo lwaka mwaigwa kuli Leza. Luswaanano lwabo lwa bumwi a Leza lwaka mwaika. I kaindi nkakonya niba kaswiilila bubeji bwa dyabulosi, kwa kamwaya luswaanano lwabo. Elyo kaindi nkakonya waswiilila bubeji bwa dyabulosi, uyo mwaya luswaanano. Ako kaindi nkakonya wazwa mu Busyu bwa Leza, mbuli mbwa kacita, nce cindi nokakilwa kubweza Ijwi lya Leza mbuli Mbo libede.

⁶³ Lino amulange, Ndi yanda kumubuzya cintucimwi. Toonse tu lizi kuli Leza. Alimwi ikuti na Leza uliluleme loko a Ijwi Lyakwe, a kukanza loko kuti Uyo beteka bantu kwiinda ku Ijwi Lyakwe, nkokuti We elede kuyobola Ijwi alimwi lya kubetesya bantu. Eli Bbaibbele nde Ndilyo. Muta lubi eco. Ndi Bbaibbele Leza ndyayo betesya bantu, nkambo Lyu katu mu Ciayubunuzyo 22, “Oyo uyo gusya Ijwi lyomwe kuzwa kuli Ndilyo na kuyungizya ijwi lyomwe kuli Ndilyo.”

⁶⁴ Mwabona, kutali kwaamba buyo kuti, “Ee, Nda—Nda unka ku cikombelo. Nda syoma. Nda—Nda—Nda syoma Leza.” Baa, aumwi dyabulosi mu gehena ula Mu syoma. Umwi aumwi wabo mukombi, umwi aumwi.

⁶⁵ Pele citola buyo ijwi lyomwe, eco cimwaya luswaanano mpoonya awo. Ii nketani taili njumu loko kwiinda maswaanino ayo akompeme loko. Elyo awo abukompami bwako mu kuunduluzya Ijwi lya Leza, mpaawo mpo yanda kubikka maswaanino mapya, aayumu kuli yoonse. Ikuti na ulasyoma kuti Jesu Kristo ula futula, mpawo weeledge kubikka maswaanino mukati omuya ayo asyoma kuti Ula ponya. Ikuti na ulasyoma kuti Mbwa kabede, weeledge kusyoma kuti Mbwa bede. Aleluya! Ikuti na ulasyoma kuti Mbwa kabede, a kulibuzya naa

Mbwa bede, maswaanino aayo ayodunsuka, mpawo wa sweeka. Mwabona eco Nce pandulula? Cili sinizizye, nciyumu, pele nca Bwini. Mweelede ku Mu syoma, Ijwi lyoonse, zintuzyonse ezyo Nzya kaamba.

⁶⁶ Lino, nywebo mwati, “Ee, lino, Mukwesu Branham, ino kujatikizya tubungwe otu?” Ee, lino swilila. Ikuti na tuli antoomwe a Ijwi eli, kuli kabotu. Pele ikuti na tukaka Ijwi eelyo, mpawo takuli kabotu, ngu dyabulosi alubo. Mwabona?

⁶⁷ “Ino kujatikizya mbungano *imwi-imwi?*” Ta ndizi kujatikizya mbungano eyo. Cintu biyo Nce zyi ndi Ijwi eli. Lino, mbobuti mbo muyo syoma mbungano kakuli kuli ali myaanda ili fuka a cintucimwi candeene ca tubungwe, alimwi akamwi kaamba kuti “kabungwe kesu kajisi Bwini ncobeni”?

⁶⁸ Lino nkokuli nkoya kuunka? We elede kuba a lusyomo mu cintucimwi. Ee, yebo wati, “Ndi jisi lusyomo mu Methodisti, mu Baptisti, mu Presbyteria, mu Lutherani, mu Pentekoste, mu Katolika,” kufumbwa mbo kabede. Ujisi lusyomo mu kabunga ako, alimwi, ikuti na kaliimpene ku Ijwi, ucita cintu nciconya Eva nca kacita. Mbubonya! Ucita cintu nciconya ncobeni nca kacita, kubweza Ijwi lya Leza a ku Li bamba . . .

⁶⁹ “Ee, kuli musela mubotu loko wa bantu uunka okuya. Mbuyake bupati loko. Balo mbantu basongo loko.” Eco ta cijisi cintu comwe cakucita a ncico. Saatani musongo maningi kwiinda Eva. Ta ka...ta kaliko akwalo mu ciimo. Pele ta keelede kuba musongo, waa keelede kuba uuswiilila. Ta tweelede kuba basongo. Jesu wakati bana ba nyika eyi, na, bwami bwa inyika eyi mbusongo maningi, bana ba mudima kwiinda bana ba Mumuni. Twa kakozyanisigwa ku mbelele. Mbelele ta zikonzyi kuli sololeta zini, zyeede kuba a mweembezi. Leza tayandi kuti tube basongo, Walo uyanda kuti tuyamine ku kumvwisya Kwakwe, ameni, oko buyo Nkwa sololeta. Ameni. Sa mwabona ciimo? Muta yaamini ku kumvwisya kwanu. Tusimpi 5, 3. Muta yaamini ku kumvwisya kwanu, amu yaamine ku kumvwisya Kwakwe. Tacikwe makani mbo ciboneka kwiimpana, a boobo mimuni mboimweka kapati kuboneka awa, muta bikili maanu kuli ncico. Amu yaamine buyo ku kumvwisya Kwakwe, eco Nca kaamba kuba Bwini.

⁷⁰ Lino, bumwi mu luswaanano lwaka mwaigwa akati ka Leza a bana Bakwe, kaindi na kaunduluzya paragilafu yomwe niini, Ijwi lya Leza lyomwe liniini. Nyoonse nimwamvwa ceeco, amwaambe, “Ameni.” [Mbunga yaamba, “Ameni.”—Mul.] Kutali Bbaibbele; kwaamba, “Nse syomi Bbaibbele pe. Ndi syoma cisela ca Ndiyo.” Waa keelede kusyoma lyoonse lya Ndilyo, kabeela koonse.

⁷¹ Kutali boobo biyo, pele bumwi akati ka mulumi a mukaintu kwaka mwaika. Ta ndisyomi kuti kuli lukwatano lumwi lukonzya kuba mbuli mbo lweelede kuba kakutakwe

lukamantano akati ka mulumi a mukaintu a Leza. Mbo mbubo. Bayo zyala bana mu inyika, akubabamba kuba bamusokwe, kubapa misanga ya tombwe, whiskey, kuuma njuka mu meso abo, kunywa zikola kumbele lyabo. Takukwe makani mbo basyomeka ku zikonke zyabo zya lukwatano, oko nkuunkwela, oko nkwanyama. Pele kuli muuya omuya, oyo muuya wa taata a baama basizibi, takukwe makani mbo basyomeka ku bana babo, bayo boola kabalubide.

⁷² Ee, yebo wati, “Ndi libazyi baalumi a banakazi abo bata yiisyi bana babo eco, alimwi teebakali Banakristo.” I cintu nciconya cakuta basololela kuli Kristo cakali cintu cilubide maningi nco bakasola kucita kunze lya cimbi; kuta basololela kuli Kristo, mwabona. Aboobo tamu konzyi kuba a lukamantano luli kabotu kakutakwe ncico. I luswaanano lwaka mwaika.

⁷³ Mpawo luswaanano mbo lwa kamwaikila aakati ka Adamu a Eva... Luswaanano lwabo mbo lwaka mwaikila akati ka Leza a mbabo, mpawo luswaanano lwabo akati ka umwi aumwi lwaka mwaika.

⁷⁴ Amuswiilile! Kufumbwa ciindi mbungano ya mwaya luswaanano lwayo, kuli waala ini mu kabunga, luswaanano lwa basyomi lwa mwaika. Twe elede kusyoma a moyo omwe, muzeezo omwe, a kuzuminana komwe. Eyo nje nzila mbo bakabede kakutana sola kubambwa lukamantano aa Buzuba bwa Pentekoste; moyo omwe, muzeezo omwe, a kuzuminana komwe. Elyo cindi wanjizya mbungano mu kabunga, uyo jana misyobo yoonse ya zipanzi muli njiyo. Nkaambo, bamwi babo bana omuya bayo syoma muli Leza, bayo jata ku cintu ciluleme, nkabela bamwi bayo unka nzila imbi. Aboobo, ta mujisi luswaanano. Iiyi.

⁷⁵ Inzi? Kuyeyya kwakwe kwakacinka. Oh, iiyi, kuyeyya kwakwe kwakacinka. Luswaanano lwakwe a mulumi wakwe tiilwa kaluleme. Ba katalika ku tamizyanya. Mwabona? Kuyeyya kwakwe kwakacinka ncobeni. Nkaambonzi? Waa kajisi buumi bwa dyabulosi muli nguwe. Mbombubo! Mbwa kaunduluzya biyo Ijwi lya Leza, wa katambula buumi bwa dyabulosi nkaambo waa katambula lwiyyo lwakwe.

⁷⁶ Inga ndabamba eci kuyuma loko mpoonya awa, pele cila aa teepu. Ndili masimpe kuti mula mvwisya, no Mbungano.

⁷⁷ Waa kaunduluzya Ijwi lya Leza nkabela caka mutantamuna kuzwa kuli Leza, nkaambo muli nguwe mpoonya awo kwakali buumi bwa dyabulosi. Waa kasyoma bubeji bwakwe, kati, “I micelo mibotu,” nkabela waa kiilya a nguwe. Mbo mbubo.

⁷⁸ Nse kocisisa Eci, Ndiyo Ci lekela kuboola nekuba. Konzyi buya. I buzuba bumwi mu California, Nda amba mu Arizona, Nda kali kuiisyia mu mbungano. Nse na mbide cintu kunsi lya bunanike eco Nce kasola kujosya. Bunji bwa bakutausi baka nditobela kujatikizya lunyungu lwa Saatani, lunyungu

Iwa nzoka. "I mwanakazi, wakali kulya apele." Huh! Kuteeti, ee, Kaini wakayeeya cintu nciconya, wa kaleta micelo ya mu muunda, nywebo mwabona. Tee lyakali apele! Mbobuti mbwa kaziba kuti wakali cinswe? Twa kainda muli ceeco. Kwakali kulyana nkwela mubwini. Cilimasimpe, mbo kwakabede, waa kaziba kuti waa kali cinswe. Elyo waa kaba a mwana kwiinda ku nzoka, eyo teeya kali reputailo, simaanu loko wa banyama boonse. Wa kali cintu citobela muntu. Muntu inga wajana basokwe a ba chipanzii—ba chipanzii, aamwi ambi, pele taba konzyi kujana maswaanino ayo asanganya muntu a munyama antoomwe. Ngooyo mbwabede. Leza waka musinganya loko cakusakana cakuti ta konzyi kujokela, oko kuli nguwe nkambo ka mucito oyu mubi ngwa kacita. Wa kali lunyungu luzutu lwakali kukonzya kusangana.

⁷⁹ Lino, buzuba bumwi, nkeimvvi, nkekambauka, kwakali nkamu ya bantu ba Katolika mu bbunga lyangu, elyo Nda kati, "Nywebo nobantu ba Katolika baita Jesu, na, baita Mariya, mubwini kuti, 'banyina ba Leza,' mbobuti Leza mbwa konzya kuba a banyina kakuli Ngwa Butamani? Ta konzyi kuba a banyina. Jesu takali cintu cili coonse akwalo kuli Mariya, pele Wa kali buyo . . . waa kali cikumbilo caka Mu konkola."

⁸⁰ Ee, bala syoma lyoonse, alimwi Nda kajisi muzeezo wa ncico lwangu myaka yakainda, kuti i—i kumita kulondokede kwakali kwakuti Leza waka muvunikila a kubikka seelo lya bulowa omuya, pele iji lya kazwa ku mwanakazi. Ikuti na iji lyakazwa ku mwanakazi, kwa keelede kuba kunyanyamukwa kuleta iji kwiinda mu kapila kunjila mu zyalilo. Mwabona eco neco mucita a Leza? Mu mubikka mu tombe lyankwela. Leza, Oyo wakalenga seelo lya bulowa, wakalenga iji, ayaloo. Dokota, kweelede kuba munzuka wa mweenze a muzyazi. Mbo mbubo.

⁸¹ Ee, mpawo, ikuti na oyu mwanakazi wakaleta iji, mpawo mbobuti Davida mbwa kakonzya kwaamba kuti "Nsi kasiyi Umwi Wangu Uusalala kubona kubola, naanka kuti Nka siye buntu Bwakwe mu gehena?" Mpawo ikuti na iji lya mwanakazi lyakali muli Kristo, mpawo muntu ujisi cintucimwi cakucita a cibeeela Cakwe mu bubuke, kakuli cili maninide a Leza. Nkaambonzi Leza nca kabusya cibeeela cankwela ica muntu? Mu bubuke, nkaambonzi Ta kasiya mibili Wakwe kubona kubola? Nkaambo Wa kali kusalala. Elyo mbobuti Mbwa kali kusalala ikuti na Wa ka jisi lulalano a Mariya, nkabela muzuka wakazwa kuli Mariya, iji kuselemuka kwiinda mu zyalilo? Kwa keelede kuba kunyanyamukwa kumwi kwa kaselemuna iji. Mpawo mwanakazi nakaba . . .

⁸² Ee, nywebo mwati, "I iji kwayanda lyakali awo. Inga cakali kukonzeka." Pele obo, ikuti mbombubo, mpawo amulange cicitika awa, mpawo Ta kali Leza cakumanininina. Ta kali Leza, cakuti wa kali muntunsi. Pele mpawo ikuti na eco cili boobo, mwanakazi waka jisi cintucimwi muli ncico. Elyo i—i mbuto

ini iya kazwa kuli Maria, eyo yakazwa kuli banyina, alimwi banyina, alimwi banyina, kwakali cintucimwi cabuntu caka sangene muli ncico, a kuyandisya kwabuntu. Nikwa takonzeka. Peepe, munene. Nda kati, “Wa . . . waa kali biyo . . .”

⁸³ Mbuli buyo mbo bweza sikwaze a kumulekela kutula iji, a kulibikka kukumbwa ku nkuku, nkuku uyo konkola iji, yalo ncikumbyo biyo. Pele kwiina kapapu komwe kujatikizya ndilyo, sikwaze, eyo ninkuku. Peepe, munene. I nkuku yakali i . . . Inga waanga ansi kanyama atala lya ii—ii iji lya muyuni, nkabela inga kakonkola muyuni, kanyama nga kacita. Nku kasaala kwa mubili nko kukonkola iji.

⁸⁴ Elyo nje nzila njionya mbo cibede a Jesu. Maria wakali biyo cikumbilo. Leza waka mubelesya mbuli Mbwa kacita banakazi bamwi bambi. Waa kali nakalindu, ta kajisi bana. Wa kaboola mu zyalilo lya nakalindu, pele Leza Mulengi wakapanga iji a nseke, ka cilenga. Nkikaako, kwa kali kumita kulondokede.

⁸⁵ Cindi Ne kazwa, mubwini, nywebo mulizi bakwesu bala ndilindila. Ba kati, “Mukwesu Branham, Ndi yanda kukubuzya cintucimwi. Wa kalubizya. Lino twa kujata.”

Nda kati, “Ncibotu, eco Nce yanda, ku jatwa.”

⁸⁶ Elyo kati, “Wa kalubizya ku kwaamba ceeci, cindi noka kambauka *I Lunyungu Lwa Nzoka*. Lino waamba kuti—kuti iji lizulilwa . . . Leza waalilenga, iji. Ncinzi cakacitika, tu jana kuti awa mu Matalikilo cipati 3, Leza wakaambilia Maria, ‘Njo bikka nkondo akati ka lunyungu lwako a lunyungu lwa nzoka.’”

⁸⁷ Nda kayeeya, “Oh, ma!” Nse kakambauka cili coonse mu buumi bwangu kunsi lya bunanike Nce kajosya, nkaambo Nse yaamini aa kumvwisywa kwangu. Elyo ikuti na kumvwisywa kwangu kuliimpene ku Ijwi lya Leza, nkokuti kumvwisywa kwangu kuli lubide. Lyeelede kuba Ijwi lya Leza. Ikuti takuli nkuko, kusiye kulikke, taku luleme. Pele lino Ku kuzapaula ncecintu cakucita. Mu moyo wangu, Nda kati, “Taata Wakujulu, Ko ndigwasya. Ta ndizi cakucita awa. I muntu ujisi Lugwalo, Utondeka munwe wakwe, ‘Njo bikka nkondo akati ka lunyungu lwako a lunyungu lwa nzoka.’”

⁸⁸ Lino, nceeci we! I Muuya Uusalala wa keenda atala. Nda syoma Umwi nguwenya waka konzya kuvunikila Mariya, wakali kukonzya kulenga, Ula konzya awalo kubikka Ijwi mu mulomo wako. Ndi yaamina kuli Nguwe abuzuba. Alimwi ndi Ijwi Lyakwe lyoonse. Ta konzyi kwaamba i . . . cintucimwi ciimpene ku Ijwi Lyakwe. Mpawo ikuti na waamba kuteeti uli nanikidwe, nkabela ukambauka kulwana Tusimpe twa Leza, nkokuti tabuli bunanike bwa Muuya Uusalala. Nkaambo, cindi Muuya Uusalala waku vunikila, Walo uleta cintu nciconya, nkaambo Walo ndi Ijwi.

⁸⁹ Amuswiilile. Ncinzi cakacitika? Nda kati, “Ncibotu, Ndi yanda kumubuzya cintucimwi. I mwanakazi ta jisi iji. Ta jisi

lunyungu. Wa amba lino, Ta kaamba ‘zya iji,’ Wa kati ‘lunyungu lwako.’ Elyo ta jisi lunyungu.”

⁹⁰ Citola lukamantano kupanga lunyungu. Sa mbobubo, dokota? Ku leeledé. Ikuti na ujisi cibeela citeteete mbocizulwa aa, ta cijisi buumi muli ncico, a kuusyanga awa, ta—ta ukameni pe, unokkede awo a kubola. Elyo tokonzi kusyanga buumi kakutakwe kuba a cibela citeteete. Aboobo, nywebo mwabona, cintu coonse ndukamantano. Ndi sola kumwaambila lino makani a Kristo a Mbungano. Ndu kamantano. Mwabona, ikuti na mwanakazi lwalo ndunyungu lwakwe nkokuti tayandikani mwaalumi, ula konzya kuba a muvwanda alike. Pele ta konzyi kuba, ta konzyi kuba a muvwanda kusikila sansi wakaba a mwaalumi, nkaambo citola bobilo antoomwe kupanga lunyungu. Sa mbo mbubo? Syanga lunyungu lutakwe buumi muli ndulo, ubone ciyo citika.

⁹¹ Mbuli mbo ba jisi kwaamba oku kwa mwanakazi oyu kuzyala babwa aba okuno. Mwabona, inga tii caba cuumi. Ta cikonzyi kuba, nkaambo, mwabona, munzuka tau kasangani.

⁹² Lino, amubone eci lino, i—i mwanakazi ta kajisi lunyungu. Nkikaako, Wa kati, “Njo bikka nkondo akati ka lunyungu lwako a lunyungu lwa nzoka.” Kumwaambila kuti Wa kali kuyo, Mwini, ku mupa lunyungu lwakwe, kutali kwiinda kunkwela, lulalano. Wa kali kunoyo lenga lunyungu muli nguwe. Ee, yebo wati, “Sa olo nilwakaba lunyungu Lwakwe?” Iiyi. Ni lwaka zulilwa kuli Maria mpawo Na kamana kulupa kuli nguwe. Eli ndiso lyangu, Waka ndipa leeli. Ndiso lyangu, pele Wa kalipa kuli ndime. Oku nkwaanza kwangu, Wa kakupa kuli ndime. Eli ndi jwi lyangu, pesi Wa kalipa kuli ndime. Mwabona? Elyo lunyungu lwa kaliko, Maria . . . tii lwaka jisi cintu cakucita a Maria. Cakali cintucimwi Leza nca kacita Mwini.

⁹³ Aboobo lunyungu lwakali muli nguwe kaindi, lwakali lukamantano lwa mucito uutali mu mulao, lwakali lufu. Waa kamitide kale ku lunyungu lwa nzoka, nkaambo waa kapona a i . . . Elyo waa kanyona a kuti, lwakwe, “I nzoka yandongelezya.” Mbo mbubo. Elyo, mpoonya biyo, Kaini wakaboola.

⁹⁴ Oh, tu lizi kuti waa kati waka jana mwana kuzwa kuli Leza. Masimpe, mwana aumwi uuzyalwa, wamusokwe a kufumbwa cintu cimbi, ceelede kuboola kwiinda ku mucito wa Leza. Ngu Umwi biyo Oyo ukonzya kupanga buumi. Masimpe. Mbo mbubo.

⁹⁵ Mwabona, waa kali mutumbu kale. Elyo eco tee . . . biyo cintu nca kacita, kwakali kululamika cintu ca lunyungu lwa nzoka. “I lunyungu luli muli nduwe lino ndwa kwiinda ku kubamba muzeezo, mucito utali mu mulao kulwana Ijwi Lyangu, a cintu eci awa, nkabela lino ujisi lunyungu lwa nzoka. Pele Njo kupa lunyungu kwiinda ku kumita kulondokede, alimwi Lunyungu Lwakwe luyo cuzaula mutwe wa nzoka, a mutwe wakwe kuyo

cuzaula kasindi.” Ameni. Amulekele Leza kuba ancico, ikuti na ndi Ijwi Lyakwe Uyo Li zwidilizya.

⁹⁶ Nke kaambo mweelede kuba mu lukamantano a Leza. Ako nke kaambo Petro wa kaamba aa Buzuba bwa Pentekoste, Jesu nakamana kwaamba kuti “kuba bbizya mu Zina lya Taata, Mwana, Muuya Uusalala,” Petro waka nyona a kuteeti “mubabbizye mu Zina lya Jesu Kristo,” nkaambo Zina lya Taata, Mwana a Muuya Uusalala ngu Mwami Jesu Kristo. Mwabona na? Citola lukamantano.

⁹⁷ Paulo takalina bonana a Petro, pele Muuya Uusalala nguwenya, mu lukamantano olo ndulonya (bulemu!), kamucitya kwaamba cintu nciconya. “Sa mwaka tambula Muuya Uusalala kuzwa nimwa kasyoma?”

Wa kat, “Ta tuuza naa mpuuli.”

Kati, “Mwa kabbizigwa buti?”

Kati, “Kuli lwa Johane.”

⁹⁸ Kati, “Mweelede kubbizigwa alubo, mu Zina lya Jesu Kristo.” Elyo baka tambula Muuya Uusalala.

⁹⁹ Cakali cinzi? I lukamantano, kwaamba cintu nciconya Leza ncaamba! Alimwi oko nkuzumina. *Kuzumina* caamba “kwaamba cintu nciconya.” Alimwi Walo Mupaizi Mupati waku lyaambilila kwesu, kucita eco Nca kaamba. Tu Lya amba kuba Bwini, nkabela Ula Li kutauka. Oh, ma! Mboobo we. Nkooko kumita.

¹⁰⁰ Lino amulangilile nzila mbwa—mbwa—lukamantano lwakwe akati ka nguwe a mulumi wakwe lwa kamwaika. Mwabona, cakufwambaana, Leza mbwa kaambila biyo kuti “Adamu, mbobuti mbo cita ceeci?” Mu cibaka ca kwiiminina mukaintu wakwe, wa kacisowela ku mukaintu wakwe. “I mwanakazi Ngo kandipa.” Lukamantano lwaka mwaika. Mwabona?

¹⁰¹ Ncinzi nca kacita? Mucibaka ca kuyanda mulumi wakwe a kwaamba Bwini, wa kabeja. Waa—waa—waa—waa keelede kwaamba kuti, “Ula salala, Nda kamupa.” Ameni. I Bbaibbele lya kat, “Waa kapa mulumi wakwe.” Waa keelede kwaamba kuti, “I mwaalumi ulasalala. Nda kamupa mpawo wa kalya, pele Nda kali oyo wakuupa kuli nguwe.” Mucibaka ca ceeco, waa kacisowela ku nzoka, kweenguluka kwamunsi loko.

¹⁰² Eco nce cintu nciconya ncoba sola kucita sunu. Mwabona, mulumi, mukaintu, lukamantano lwaka mwaika. Mulumi a mukaintu, luswaanano lwaka mwaika akati kab. I bumwi bwa mbabo bwaka mwaika, bumwi akati kab a Leza bwaka mwaika. I cintu coonse caka palangana. Nkaambonzi? Nkaambo kakuti Ijwi lyomwe lya kaunduluzigwa. Oh, mukwesu, ma! Inzya, waa keelede kwaamba Bwini. I bumwi a nguwe a mulumi wakwe bwa kamana, nkabela bumwi bwabo a Leza bwaka mana.

Elyo mbungano aimwi iitabwezi Ijwi lya Leza mbolizulwa, cintu nciconya cila citika. Nda Li yanda, sa tamu citi?

¹⁰³ Amulangilile sikuzyalwa wakwe mutaanzi, Kaini, mujayi, mubeji, silweeno, sibbivwe, sibbivwe ku munyina. Munyina waka bamba Milao ya Leza, nkabela Leza waka bambide mulungo kwiinda kukujaya cituuzyo a ku cituula nkambo kabo. Amulangilile kubula luzibo lwa ceeco lino, kwa Saatani, kasola kusintanya cintucimwi. Leza, Bbaibbele lyakati, wakaunka a kubapangila zivumbilizyo kuzwa ku zikutu; kujana zikutu, cintucimwi cakafwa. Adamu wakasola kuli bambila zivumbilizyo zya matu a mukuyu. Tee zya kabeleka, buumi bwa masamu. Buumi, buumi bweenda bwakacita kufwa. Aboobo Wa kajaya bupange bwaansi ibwa buumi, a kwaamba omuya kuti “Buzubabumwi Buumi Bwangu Bwini buyo pedwa ndinywe, Buumi bwini buyo kwela mu lukamantano olu alimwi.” Lino, tula sika kuli ncico mu maminiti masyoonto, na Leza wayanda. “Mwabona, mboobu buumi bwa kabelele. Lino, amu livumbe ceeci a kusisa cinswe canu.” “Ta mweelede kulya maapele”? Bufuba! Mwabona? “Amuli vumbe zikutu ezi.” Wa kacita kujaya cintucimwi.

¹⁰⁴ Elyo mwana wa Saatani, ta kaboola munzila Nja kali kuyanda, wa kacita. Nekubaboobo muyanda ku caamba, pele wakali mwana wa Saatani, nkaambo kunjoloma oko kwa Adamu kuli Leza nikwata konzya kuzyala musyobo oyo wa cintu. Amubone mpawo mwana wa Saatani, kasola kubamba mulungo, kajokela a cintu nciconya eco bunji bwa bantu nco baamba sunu, cikama ca maapele a micelo ya nyika, kutuula kuba mulungo, kugusya nguzu zyabusaki.

¹⁰⁵ Elyo ncinzi Abela mululami nca kacita? Wa kalizi kuti tii cakali cintu cili boobo mbuli kulya maapele. Wa kali bulowa bwa banyina a bawisi, buumi bwabo. Aboobo wa kaleta kabelele, mbubonya mbuli Leza mbwa kacita. Aleluya! Wa kabamba Ijwi lya Leza, nkabela Kaini waka munyonokela.

¹⁰⁶ Cintu nciconya sunu! Kaleta cituuzyo eci ca bulowa, eelyo Ijwi lya Leza mbubonya buyo mbo Lya amba, amukkale a Ndilyo. Bunji bwabo inga basyoma mu cituuzyo ca bulowa, masimpe, pele kwaamba cintucimwi cimbi mu Ijwi, ba lati, “Oh, peepe, Nse syomi eco. Uh huh, eco—eco nca buzuba bumbi.” Dyabolosi nguwenya wakaindi, kooze nkakonya kakaindi! Amulindile mane tu kacimanizye. Amubone, wa selemuka nkoonya ku nzila njionya.

¹⁰⁷ Pele Kaini, munzila zyakwe zya bufuba, kutali bufuba loko, pele munzila zya mancenjela, wakeenwa, a kuleta micelo. Adamu wakabamba i... Abela waka bamba Ijwi lya Leza, wa kaleta kabelele. Leza wakati, “Kuli luleme, Adamu, wa kabamba... Na, Abela, wa kabamba Ijwi Lyangu.” “Kaini, wa kalizi kuti... Nkokuli Nkwe kabweza matu a mukuyu mbuli bauso mbo

bakasola kucita? Yebo ujisi cikama ca nkuyu na magirepu na maapele, na kufumbwa nco jisi awa. Elyo lino bauso baka cela matu kuzwa ku musamu, kusola kubamba mulungo, alimwi mpaawa usola kuleta micelo kuzwa ku musamu.” Tee yakali yeeyo! Bwa kali bulowa kuzwa ku buumi.

¹⁰⁸ Oh, Leza waka ciselusya, kati, “Nceeci mbocibede.” Elyo Abela waka tuula cimwi ciluleme. Mpawo munyina waka munyonokela. Amulange nca kacita, wa kajaya munyina. Leza wakabusya umwi umbi; mbuli lufu, kuzikkwa, a bubuke bwa Kristo. Amulangilile, Leza mpawo, Lwakwe... Ncinzi Nca kaambila Adamu a Eva? “Kozumanana a kuvuzizya a kuzuza nyika.” Kosabalanganya mukowa wabantu ku nyika yoonse, kutegwa Ka konzya kubeleka camugame kusikila Na kakonzya kubajosya atoomwe. Kubeleka a bantu, bagame, muntu aumwi. Pele tii baka ciyanda munzila eyo.

¹⁰⁹ Muta impyi ciyubunuzyo eci. Leza, cilekele cicitike. Akube kuti mu cibone nzila Mbwe cilangide.

¹¹⁰ Mwabona, tii cakali booboo, Leza tableki a muntu mu nkamu. Leza tableki anduwe mu kabunga. Walo ubeleka aa nduwe mbuli mugame, mugame. Camugame tula bbizigwa a Muuya Uusalala. Caantoomwe tula bbizigwa mu Mubili cindi twa bbizigwa aa Muuya Uusalala. Camugame, umwi aumwi waka bbizigwa a Muuya Uusalala, Leza kabeleka a umwi aumwi. Obo bwakali bukanze Bwakwe, kuba sabalanganya ku nyika yoonse kutegwa Ka konzya kubeleka camugame ambabo.

¹¹¹ Pele mucibaka ca ceeco, ncinzi cakacitika? Leza wakandaanya bantu ba Kaini kuzwa ku bantu ba Seti. Wa katanda Kaini. Wa kabandaanya kutegwa Ako nzye kubeleka a mbungano Yakwe. Amulangilile. Kaini wakaandanisigwa. Lino amulangilile. Leza wakandaanya Kaini mubi wa Eva kuzwa kuli Seti uusalala wa Adamu. Oh! Sena Wa kacicita? Kwiinda ku mucito uutali mu mulao, oyu mwanaakazi kapona a muntuumwi umbi nkabela wazyala mwana. Leza wakaandanya mwabona oyo a nzyalani zyakwe kuzwa ku mululami oyu a muntu uusalala, bana bakwe.

¹¹² Ncintu nciconya sunu, kwandaanya, kwandaanisigwa, waka bajana, tee bakali mu kukamantana. Tee bakakonzya kuba a kukamantana. Sena busiku inga bwaba a kukamantana a sikati? Sa musyomi inga waba a kukamantana a utasyomi mukuba bukombi bwa bwini? Sa muntu inga wasyoma muli lyoonse Ijwi ly a Leza a kuba a kukamantana abaabo basyoma buyo cibeela ca Ijwi ly a Leza? Leza uyanda basikwandaanya.

¹¹³ Lino, Kaini wakali mwana wa Eva, waa kati, “Nda jana mwana.” Pele Seti wakali mwana wa Adamu. Elyo Leza waka bandaanya nkaambo ta kakonzya kulekela... Baa, niba kabisyanya umwi aumwi, bana ba Kaini niba kabisya bana babotu iba Seti. Mbo mbubo.

¹¹⁴ Lino amulange! Elyo dyabulosi nguonya mukulukulu wa kacitya Eva kutasyoma Ijwi lyomwe lya Leza, nkabela waka baambila kulyandanya beni kuzwa kuli umwi a kupona bwandeene, umwi aumwi, ulya dyabulosi nguonya waka basangana a kubaleta antoomwe alubo. Sena mwa cimvwa? Amwaambe “Ameni” ikuti na mwacita. [Mbunga yaamba, “Ameni.”—Mul.] Wa kabalaleta antoomwe alubo kunsi lya lukamantano lwabubeji, mucito wa Leza...kulwana bubambe bwa Leza. Ncinzi cakacitika? Mbobuti mbwa kacicita? “I bana balombe iba Leza,” Bbaibbele lya kaamba, Matalikilo, “kabona bana basimbi ba bantu.” I bana balombe iba Leza, bana ba Seti, kabona bana basimbi iba bantu, bana ba Kaini, obo mbo bakali babotu. Hum! Elyo, ncinzi ncoba kacita, ba kakwelelezezegwa kapati kuli mbabo! Elyo baka kamantana lwabo antoomwe alubo, nkaambo ka bweebesi, kuti “bakali babotu kulanga.”

¹¹⁵ Cintu nciconya sunu! Mpaawa mpo mubede, bakwesu. Nywebo nobana Pentekoste bakompeme, abo Leza mba kaandaanya a ku mutuma ku kabungwe kaabanwa aboonse! Ta mukonzyi kubunganya pentekoste. Kamutuma ku bantu Bakwe. Pele mwakabona mambungano mapati mabotu a lwiyyo lwabukombi, mwaka lijanina zikolo zinji zipati a zintu. Elyo ncinzi ncomwa kacita? Mwa kamantanya bantu ba Leza antoomwe a kabunga alubo, ili, njionya ntalisyo ya ncico Mbunakatolika. Mambungano, mapati mabotu, bantu basama kabetu, meya wa dolopo a boonse bamwi babo nko baboola, basama kabetu, bakaiya kabetu loko, basilwiiyo lwabukombi balemu, ba nzila ya kuboola ku busena muntu oonse kasama zisani zidula azyeebeka loko alimwi mweembeli ulaima buyo kabetu loko mu busena. Ino ncinzi? Mu langa ku zintu ezyo Leza nzya sampaula. Elyo mwa bweza mbungano ya Pentekoste (Leza, acuumateepu!) akwii kamantanya mu kabunga. Leza takali kuyanda kuti ikamantanisigwe, Wa kali kwi iyanda kuti pambwidwe; kuta kamantanisigwa a inyika.

¹¹⁶ I dyabulosi nguonya mukulukulu oyo wakacitya Eva kuunduluzya Ijwi lya Leza a kucita bubi bwakwe, waka nyona ncobeni a kubweza bana ba Seti akuba lekela kubona banakazi abo babotu iba Kaini, nkabela baka kamantana alubo. Alimwi tabali batasyomi mukuba bukombi bwa bwini pe. Tee bakali bana kkomunisti. Peepe, peepe. Bakali basyomi. Ba kati, “Lino antela ndiza Mwami inga wacita cintucimwi.” Na, oh, eci mbuli ceeco. Ba—ba kali...Ba kali kuyeyya kuti bakali kucita cintu ciluleme. Elyo ncinzi Leza nca kacita? Kuzimaazya cintu coonse, kacita kuzimaazya cintu coonse. Kunsi lya lukamantano lwa bubeji! Wa kacita kutuma muyoba akunyonyoona nkamu yoonse. Lubeta lwaka boolele lukamantano olo lwa bubeji. Lubeta lwakauma Edeni nkaambo ka lukamantano lwa bubeji.

Lino, sena nzoka yakali jisi lunyungu? Amuse kuli ndinywe.

¹¹⁷ Ii lukamantano lwa bubeji lwakaleta lubeta aa nyika, kuli Eva a Adamu, mu Edeni. Elyo lukamantano lwa bubeji lwakaleta lubeta lwa miyoba ya Leza aa nyika nkaambo kakuti bana basimbi iba Kaini bakali bbwayaaula cankwela ku bana balombe iba Leza, nkabela baka kwelelezegwa canguzu kuli ncico a kukamantana antoomwe alubo. Mboobo mbo mubede. Lukamantano lwa bubeji, “Taakwe cakali kukonzya kucitika.” Ncinzi Leza nca kacita? Wa kanyonyoona cintu coonse, boonse cita Nowa mudaala muyandisi a mukwasyi wakwe. Wa...baka boola antoomwe.

¹¹⁸ Elyo alubo kumane ceeco, kumane lufu lwa Nowa, alimwi oyo mukwasyi wa Nowa wakumuuya, cintu citaanzi nywebo mulizi, bana babantu baka talika kulanga kuli umwi aumbi alubo. Ncinzi nco bakacita? Ba kati, “Lino, tatuli baabo batasyomi mu bukombi kuba bwa bwini, toonse tula syoma muli Leza.” Aboobo baka jana mulombwana, ku musololi, archibishopo umwi mupati wa zina lya Nimurodi, nkabela bakayaka ngazi. Tee bakali baabo batasyomi mukuba bukombi bwa bwini. Ba kali kusyoma kuti kwakali Julu. Ba kali kusyoma kuti kwakali gehena. Ba kali kusyoma mu mbeta. Pele bana ba Leza a bana basimbi iba babotu, alubo, nkabela bakali bambila lukamantano, lwabubeji akuyaka cikombelo cipati maningi ca cooko, kabunga kapati maningi, a masena ambi oonse akali ku—ku Bbabelo, akali kupa mitelo kuli nguwo.

¹¹⁹ Elyo ba kati, “Nda mwaambila neco tukonzya kucita. Mu lizi kuti tuli basongo.” Nkokuli nkoba kajana busongo obo? Kuzwa kuli dyabulosi. Obo mbombubo. Ba kabujana kuli dyabulosi mbuli—mbuli Eva mbwa kajana. Kabujana kuli dyabulosi. Aboobo bakati, “Tuyo liyakila kabunga, tuyu botezya Leza. Elyo Njo mwaambila cakucita, tuyu oba ambali zyamatantilo maniini. Tuyo tanta a kwiimba a kubotelwa antomwe a baangelo, a kuseluka awa a kupona mbuli mbo tuyanda.” Oyo dyabulosi ucipona. Mwabona? Cakali kulwana milao ya Leza. Tee baka bamba milao Yakwe. Ncinzi Leza nca kacita? Ee, ba kayaka ngazi ya Bbabelo, yabubeji alubo, aboobo Leza waka bapilinganya a ku bandaanya.

¹²⁰ Leza wakandaanya alubo nkabela Wa katuma Abrahamu mubotu mudaala, kati, “Njo kutola buyo a kupanga cisi kuzwa kuli nduwe.” Leza wakabandaanya. “Amuzwe akati kabo, Abrahamu, kosiya zintu zyonse musule.” Elyo Leza taakwe naka mulongezya kusikila nakasiya zintuzyonse musule, Lota wakali wa mamanino. “Ko zwa, Abrahamu, kolyandaanya kuli batasyomi. Elyo Njo kutola a kupanga cisi kuzwa kuli nduwe. Njo bamba bantu bayo bamba milao Yangu. Ndiyo bapa ciindi cimbi.”

¹²¹ Abrahamu mudaala mubotu wakainka kweendeenda mu nyika nyenzu. Eco ncencico Abrahamu coonse nca cita, kweendeenda mu nyika nyenzu. Inzi? Kusyoma cisomezyo eco

catakali kukonzeka, kukwaambaula kwabuntu. Ino tuyeyea nzi a madokotela basunu bana Kaini ncoba kalino amba mu buzuba obo? "Fyuu, ma, mudaala, myaka ili myaanda yakukomena, kuyooba a muvwanda kwienda mu mukaintu, wa makumi ali fuka? Oh, ino ncintu cabufuba!" Pele Abrahamu waka syoma Ijwi lya Leza. Elyo kufumbwa cintu kwiimpana kuli ncico, wa kaita mbuli kuti tii cakaliko.

¹²² Loonse olu lubbizyo lwa bubeji, kunyanyamukwa kwa bubeji, zintu zya bubeji ziya buzumanana sunu, kwaamba kuti taciko, kusyoma Ijwi lya Leza a kuzumanana kweenda. Ncilebyo cilikke caku kutantamuna kusika ku cini. Mbo mbubo. Amuzumanane kweenda, nobana. Ijwi lya Leza, Leza ulabamba Ijwi Lyakwe. Ta ndikwe makani mbo kuli zintu zinji zya lweeno ezyo dyabulosi nzya waala alya, Leza ucijsi Ijwi lya bwini alimwi Ula Li ubamba.

¹²³ Abrahamu wakaita cili coonse kwiimpana, kulubila. Baroma, cipati 4, ikuti mula cilemba. Abrahamu wakaita cili coonse kwiimpana ku Ijwi lya Leza, mbuli kuti tii cakaliko. Mbo mbubo. Wa kasyoma muli Leza, wakali tuyumu, takukwe makani mubili wakwe mbowa kakompeme, obo mbo cakali kuboneka kuta konzeka kuteti tii cakali kuyo citika, Abrahamu waka zumanana ku cisayoma. Lino, ta kayandika kuselemukila ku cipaililo a kwaamba, "Ikuti na ciboola ncobeni, Ndiyo cita... Ta ndizi naa nku cisayoma na pe." Abrahamu waka kkala a ncico kwa myaka ili makumi obilo ayosanwe kacitana sika, pele caka sika okuya. Cila cita lyoonse.

¹²⁴ Abrahamu, kwakasika Izaka; Izaka, kwakasika Jakobo; kuzwa muli Jakobo i basikale; kuzwa muli basikale, kainka mu Egepita; mu Egepita, kakomezya cisi. Mpawo cindi Na kakomezya cisi Cakwe, kuzwidilila Kwakwe, ncinzi Nca kacita? Leza wakabandaanya alubo. Kutasyoma a lusyomo tazikonzyi kweenda antoomwe. Peepe, munene. Wa kabandaanya alubo, kuba Bakwe Mwini. Ncinzi Nca kabacitila kuba masimpe kuti baka soloolewa kabotu? Amuswiilile kabotu lino, ta tujisi ciindi cinji lino, ndiza maminiti ambi ali kkumi aosanwe. Wa kabasololela munsi. Amulange, Wa kabusya cisi, kaba bikka kunsi lya babanzi a zintu. Ba kaumwa a kulila, a kulila a kuyabuya. Pele Leza wakali kulanga ansi, Wa kaibaluka zisyomezyo zyoonse Nzya kapa Abrahamu. Buzuba bumwi Wa—Wa kayeeya... Ncinzi Nca kaba citila? Ncinzi Nca kacita cindi Na kabandaanya? Wa kabapa mulao alimwi Wa kabapa musinsimi, Wa kabapa Musumpululu wa Mulilo. Ncinzi Nca kacita? (O Leza!) Wa kabikka mbungano Yakwe mu ncililanwa. Ii Musumpululu wa Mulilo, Muuya, waku basololela, musinsimi oyo wakalino baambila Bwini bwa Ijwi Lyakwe. Ba kali libambilide ku lweendo mpawo. Sa eco tacili cibotuloko?

¹²⁵ Omuya mu nkanda bakaunka, kaba cita zitondezyo a zigambyo, kujula Lwizi Lusalala, kwiitila zipenzyo kuzwa ku

gehena kuselemukila aa Farao. Oh, ma! Ii Musumpululu wa Mulilo kaweenda kunembo lyabo, ameni, kaba sololela masiku a sikati. Aleluya! Ii musinsimi, kaluleme ku Ijwi eelyo, kaimvvii alya kaba ndandamikide. Ameni. Wa kali libambilide kutola bana Bakwe mpawo. Eco cakali ciindi citaanzi niba kasolwa kwiiitwa kuti ni mbungano. Cakali cikozyano ca ceeco Nca kali kuyo cita mu mazuba akumamanino. Tula sika kuli ceeco alubo mu kaindi buyo kaniini. Wa kabaita kuzwa, kabapa mulao, kabapa Ijwi Lyakwe, a kubapa musinsimi, Wa kabapa citondezyo, alimwi Wa kaba tumina mu nkanda. Kabandaanya kuzwa kuli bamwi ba inyika.

¹²⁶ Ncinzi nco bakacita? Kabona banakazi babotu iba Moabu, mbungano ikasaala biyo yaka jisi tuleza twaalumi a tuleza twanakazi a zintuzyonse zimbi. Ncinzi ncoba kacita? Kaba tobela, kabawkata akati kabo. Mbo mbubo, kuliluleme ncobeni. Nda yezeeyza abo banakazi iba Moabu baniini babotu bakali babotu ncobeni.

¹²⁷ Ndi jisi cisinsimi cibikkidwe ku ng'anda, bumwi bwa mazuba aya Njo cibala. Elyo inga walibuzya kaambo Ne tapatila banakazi nzila mbwe cita. Myaka ili makumi otatwe yakainda... Ndi jisi MBUBOOBU MBWAAMBA I MWAMI! Myaka ili makumi otatwe yakainda cindi Ne kanjila mulimo, Wa kandaambila kuti musyobo wa banakazi uyooba wabwaamu loko a kucitya kaambo mu mazuba akumamanino cakuti bayooba cintu cisofweede maningi aa nyika. Yaa! Wa katalikila ku makankilo a nkabela Saatani waka mubelesya kumamanino. Elyo amulange cicitika, amulange moonse mu myaka. Kati, "uyo zumanana kuli samununa." Elyo wakati, "Kuyooba biyo nkamu niini, ya Basale mbabonya baka kanzwa, bayo loboka ceeco."

¹²⁸ Cindi cilengaano eco nicakasika, eco caka ndipenzya. Nda kayeeya, "Banakazi..." Nda kavununa alimwi omuya mu Bbaibble kuli Isaya, Nda syoma cipati 5, nkabela Lya kati, "I mutabi uyo loboka kuzwa... bana basimbi ba Zioni, mu buzuba obuya kuyo bota ku Mwami."

¹²⁹ Ii mwanakazi waka ndilembela mubuzyo buzuba bumwi, waa kati, "Mukwesu Branham!" Na, peepe, wakali mwaalumi, mukutausi. Kwayanda uliimvvi awa cifumo cino. Uzwa ku Ohio ncobeni. Elyo wa kati, "Tu yanda kwaamba cintu nciconya nco wamba, pele twa kajana cintucimwi aa mateepu ako cita luleme." Aboobo Billy waka ndiletela lugwalo. Kati, "Cintucimwi aa mateepu ako," caamba, "ciliimpene ncobeni, Mukwesu Branham, ku Ijwi lya Leza. Elyo tu yanda kuu tu yanda kwaamba cintu nciconya." Kati, "Mubuzyo omwe Ngwe yanda ku kwaambilila, abo Mbakorinto Bataanzi, cipati 11, nkabela caamba obo kujatikizya civumbyo ca mutwe wa banakazi, a baalumi kutaba a civumbyo." Kati, "Tula syoma obo. I mwanakazi weelede kusama ngowani mu mbungano, a baalumi beelede kusamununa ngowani zyabo mu mbungano."

Kati, "Tula zisyoma zivumbyo zyaku mutwe, a zimwi zimbi." Elyo kati, "Mpawo mubuzyo umbi ngwa kuti bantu bala boola kuli ndiswe a kwamba Angelo wa Mwami kukanana zintuzyonse kuli nduwe. Ijwi lyoonse ndyo kanana lizwa kuli Angelo wa Mwami. Elyo, Mukwesu Branham, ncijumu maningi kulwana cintucimwi cili boobo," kati, "mu mbungano yangu." Kati, "Tu yanda kwaamba cintu nciconya. Lino, Mukwesu Branham, sa ula syoma kuti wakali mu bulubizi aniini awo?"

¹³⁰ Nda kasandula, "Mukwesu wangu muyandisi, Nseli mu bulubizi. I Bakorinto Bataanzi, cipati 11, kati mwanakazi weeleded kuvumba mutwe wakwe, a kaambo. Mpawo kampango ka 15 wakati masusu malamfu akapegwa kuli nguwe kuba civumbyo, kutali ngowani." Oyo muuya wa Katolika weendelezya mbungano kwa ciindi cilamfu. Masusu akwe malamfu ncivumbyo cakwe. Sena bulenge bwini . . .

¹³¹ Elyo amulange, alimwi mpawo mubuzyo waka piluka, muntumwi waka ndibuzya ciindicimwi cakainda . . . Njo upandulula Ne ncili ali nguwo. Wa kati, "Ee, Bbaibbele lyakati weeleded kuba aa masusu malamfu nkaambo ka baangelo. Ncinzi baangelo nco beeleded kuba acakucita a mwanakazi?"

¹³² Nda kati, "Niinzi angelo? Walo mutumwa." Ncinzi Paulo ncaamba? Ikuti na mutumwa wini, angelo uuzwa kuli Leza aswaya, ncibotu mwaba a masusu malamfu. Inga na katapatila cintu. Mbo mbubo. Mbangaye ba jisi . . . bazi kuti angelo mutumwa? Kuliluleme ncobeni. Ii mutumwa wakatumwa kwa Leza uyo citapatila. Kati, "Ncibotu waba a masusu malamfu, nkaambo ka baangelo." Balo mbatumwa baka tumwa kwa Leza baswaya, bayo tapatila cintu eco. Iiyi, nconzyo, nkaambo, mutumwa wini uzwa kwa Leza, angelo uli swaangene kuli Leza, a Ijwi Lyakwe tali konzyi kukakilwa. Obo mbombubo ncobeni. Musalali Paulo wakati awo, ikuti nekuba Angelo uuzwa ku Julu wakasika kuyiisa cili coonse cimbi, abe mutuke. Mbo mbubo. Lino tu jana kuti obo mbwini, weeleded kuba a masusu malamfu, eco ncivumbyo cakwe.

¹³³ Pele Nda yezezya aba banakazi babotu bana Moabu bakali kweebeka maningi, kwayanda baka sakatidwe mbuli bamwi ba Jezebele basyaasunu. Pele, nekubaboobo, kutali banakazi boonse! Ndi yeeya kuti mwanakazi oyo wakasimpe ni ngale. Alumbwe Leza ku mwanakazi wini. Muli babelesi basimbi iba Leza. Pele mwanakazi wini uli mbuli mwaalumi wini, bayo tobela Ijwi lya Leza cakutalanganya eco dyabulosi ncaamba, na cintu cili coonse cabubeji.

¹³⁴ Elyo kwaamba, "Mweembeli wesu wakati cili kabotu kucita ceeci." Ta ndikwe makani eco mweembeli wako nca kaamba. Ikuti na ciliimpene ku Ijwi lya Leza, ijwi lyakwe libe bubeji, a kubamba Ijwi lya Leza. Nsi kwe ndaba obo kabungwe mbo kabede na obo mbwa bede, ikuti na ujisi cintu cimwi ca

kwaamba kujatikizya ncico, ko mwaambila kulanga mu Ijwi ly a Leza. Kuliluleme ncobeni.

¹³⁵ Oh, obo mbo tukonzya kuzumanana kuyaansi a kubona Leza kabandaanya. Tula elela kwiima aniini buyo. Ndi jisi Magwalo amwi awa Nge yanda kuciindilila buyo, ku jana, kubinda ku jana kumamanino. Mpawo cindi...ncinzi caka citika cindi Na katola busena bwalyo, cindi banakazi bana Moabu? Leza wakacita kubandaanya alubo. Ncinzi Nca kacita?

¹³⁶ Mpawo Jesu wakasika. Lino tuboola kumwi. Mpawo wakasika Jesu, cinkozya citondezya Leza, lunyungu lwa mwanakazi, kamitwa kwiinda kuli Leza Mwini. I Muyasi mupati Wa kalipangila mibili. Ta keelede kulomba mapulanga amwi kuli umwi, kuzwa ku mwanakazi a mwaalumi. Wa kalipangila ng'anda Mwini. Oh, ma!

¹³⁷ Nda yeya Stefano aa buzuba obuya cindi na kaima, wakati, "Nywebo nomu tapalwidwe myoyo a matwi, ba sicinguni. Lyoonse mula kaka Muuya Uusalala. Mbali bamauso mbo bakacita, mbo mucita anywebo!" Wakati, "Solomoni waka Mu yakila ng'anda, pele nekubaboobo Sijulu Lyajulu ta kkali mu maanda akacitwa a maanza, pele mibili ngo Wa kandibambil a."

¹³⁸ Taka yandikana kulomba mapulanga amwi kuli koonse. Bahebrayo, cipati 11, Nda syoma mu kampango ka 2 na 3, lyaamba kuti "I inyika yaka pangwa ku Ijwi ly a Leza, zintu zya kapangwa kuzwa kuli zeezyo zitaboneki." Leza wakaamba buyo, "A kube," nkabela kwa kaba. Ta kayandika kuunka okuya a kwaamba, "Ba. Mweezi, sa inga wa Ndi kweletesya pulanga liniini? Ba. Mweezi, sa inga mwa Ndi lekela kuba a kkausiamu umwi?" Leza ta citi boobo.

¹³⁹ Ta keelede kwaamba kuti, "Mariya, ko Ndi kweletesya iji, Ndi yanda kubamba mibili kutegwa inga Nda kkala muli nguwo." Leza Cilenga wakaamba, nkabela waa kali mutumbu mpoonya awo. Ta kali mutumbu, waa kali mwanakazi buyo kayumwide Lunyungu Lwakwe. Mbo mbubo. Amuyeeye, ta kali banyina Jesu. I inyika yaamba booboo. Amundi janine busena bomwe mu Lugwalo Na kasola kubaita kuti baama. Lino amu joke ku Ijwi. "Banyina Leza," mause kuli ndinywe. Mwabona?

¹⁴⁰ Buzuba bomwe kwakali bantu bamwi ba kaamba kuli Nguwe, kati, "Banyoko bali anze kaba Ku yandaula."

¹⁴¹ Wa kati, "Mbaani baama Bangu?" Kalanga kuli basikwiiya Bakwe, kati, "Abo bacita luyando lwa Taata Wangu mbe baama Bangu."

¹⁴² Ta kali banyina Bakwe, waa kali cikumbilo. Leza na kakonzya kubellesya cintucimwi cimbi, pele Wa kayanda kubweza nguonya waansi maningi a kutondezya Mbwa kali kukonzya kucita ancico. Waka cibusya, kabamba cintucimwi kuzwa kuli citako, oyo ngu Leza.

¹⁴³ I cinkozya cakatondezegwa cakasika, Jesu, Umwi ulondokede, Umwi mubotu, weebeka wa zyuulu zili kkumi, Mpana yaku Kkuti, Duba lya Saroni, oh, Ntanda yaku Bucedo. Ino Wa kalini? Ino Wa kazwida kuli? Amuswiilile kabotu lino. Ku kubambulula bumwi akati ka Leza a muntu. Oh, sa wacibona, mukwesu?

¹⁴⁴ Zyoonse ngazi zyabo zya Bbabelo a zintu zyabo zyoonse zimbi kaindi okuya tii zyakabeleka. Yoonse micelo yabo ya mu myuunda a zintuzyonse zimbi zyakabijila Leza. Aboobo Leza wakaseluka a kumitwa mu zyalilo lya mwanakazi, kwinda kuli Lwakwe Mwini, kalibambilila mubili Lwakwe, a kuba Imanuele, Leza andiswe; uutali Mujuda nanka Munamasi, pele Leza. Ta kali Mujuda, Ta kali Munamasi, Wa kali Leza. Alimwi Bamasi bakali buyo mbuli Nguwe kufumbwa ciindi, biyo Wa kasola kwandaanya Mujuda kuba cisi. Wa kasola kucita zintuzyonse ku kucijosya, alimwi nzila biyo Nja kali kukonzya kuciyaka yakali ya kujokela ku mugame mbuli Mbwa kabede kumatalikilo. Eyo nje nzila mboibede sunu, ku mugame. Kutali ku kabungwe, kutali ku kabunga, kutali ku nkamu ya bantu; pele ku mugame. Amubone, ku kubambulula bumwi akati ka Leza a muntu.

¹⁴⁵ Wa kali cituuzyo cini cazibi. Mbelele, mpongo, a zimwi zimbi, tii zyaka konzya kugusya cibi. Pele buumi... Nkaambo cindi cipaizyo nicaka jaigwa elyo buumi bwa kabelele, cintu citakwe kaambo loko, tii cakakonzya kujokela, buumi obo, aa musyomi, nkaambo wa kali muntunsi, waka jisi buntu, nkabela mbelele tai jisi buntu.

¹⁴⁶ Mwabona, taakwe cijisi buntu cita muntu. Leza wakabikka... Wa kali ciimo ca munyama, obo mbwini, pele Wa kabikka buntu ali nguwe. Eco ncica kamubamba kuba wandeene kuzwa ku banyama. Wa kalizi ciluleme kuzwa kuli cilubide cindi buntu ni bwakasika ali nguwe. Pele wa... Amuyeeye cindi Leza na kalenga muntu mu cinkonzya Cakwe Mwini, elyo mpawo wa kaba buntu bupona. Mwabona, wa kaba ceeco, mukuziba ciluleme kuzwa kuli cilubide.

¹⁴⁷ Lino amubone. Pele lino, muli ceeci, Jesu wakasika nkabela Wa kali Leza. Kutali biyo buumi bwa umbi muntu kuti bulakonzya kujokela aa muntu umbi, pele mbubonya Buumi bwa Leza, kumubamba kuba mwana wa Leza, ku mujosya mu lukamantano ndulonya mwa kabede kakutanaba kuwa. Lino tuyu busika ku bumwi ncobeni.

¹⁴⁸ Bantu, muntuumwi wati kuli ndime, "Mukwesu Branham, sa toli wa bumwi?" Kutali wa Bumwi bwa kabunga. Pele Ndili wa bumwi a Kristo, mwabona, pele kutali Bumwi bwa kabunga.

¹⁴⁹ Wa kabbadela nkongole ya cibi. Lino, kutegwa ajane bumwi akati ka Leza a muntu, Jesu taka konzya kucita kufumbwa kuti Wa kacili waano mu mubili wanyama. Aboobo Wa kaba cituuzyo cimaninide cazibi kuti agusye kuzulwa kwa musyomi, mwabona,

kucigusya kutegwa Muuya Uusalala kaukonzya kunjila mu muntu, kubamba bumwi bwa muntu a Leza alubo. Mwabona, kwa kaba cintucimwi ca kubambulula.

¹⁵⁰ Lino, ncinzi cakali kukonzya kubambulula? Cindi mulao wa Leza wazulizigwa. Sa Angelo inga wauzulizya? Ta kajisi bulowa. Sa Leza inga nakazulizya? Ta kajisi bulowa. Elyo Leza wakaba muntu uulya maila kutegwa Ka konzya kubbadeela nkongole kabotu a kugusya cibi, nkaambo eyo nje nzila ilikke. Ngazi zya Bbabelo kazi bandaanya aa nyika, zintuzyonse zimbi, kabunga a zintu zyaka kakilwa mu nzila zyoonse, baka nyongana antoomwe, inyika a zintuzyonse zimbi, pele oku kwakali kuyooba kupambuka kumaninide. Bulemu!

¹⁵¹ Lino Nda limvwa bukombi. Ee, Nda limvwa mbuli kuti Nda konzya kubweza cibalo cangu lino a kutilika kukambauka ndyoonya lino. Kuli kasaazya buyo lino ku busena Mpe konzya kutilikila mpoonya awa, alimwi nciindi kuli ndime ca kuleka. Uhm! Ndiza Njo cimanisyia limbi ciindicimwi, bumwi bwa Leza a muntu. Sena mwamvwisya? Boonse bamvwisya, abaambe “Ameni.” [Mbunga yaamba, “Ameni.”—Mul.]

¹⁵² Mwabona, eyo nje nzila biyo muntu njaka konzya kujokela ku bube bwakwe butaanzi, nkambo cisubulo eco ca cibi kuti cibbadelwe. I cisubulo ca cibi niinzi? Lufu. “Bulumbu bwa cibi ndufu.” Alimwi Leza wakati, “I buzuba mboya kulya kuli nguwo, buzuba mboya kuba a mucito oyu, obo buzuba uyo fwa.” Elyo cindi ni cakacita, caka mwaya bujatane bwakwe, luswaanano a zintuzyonse zya muntu, alimwi tii lwaka jokela limbi kusikila cisubulo eco nicaka bbadelwa. Elyo taakwe muntu wakali kweelela ku cibbadela, nkaambo aumwi wakawa aku muntunsi, nkaambo zilenge zyoonse kunsi lya muntunsi, nkabela wakali wide. Bulemu! Oh, mukwesu!

¹⁵³ Mukwesu Mac, Nse kubwene kokkede awo, Leza akulongzeze. Tula syoma eci, Mukwesu Mac. “Kuboola kunsi lya cisubulo ca lufu.” Mukwesu Mac okuno wakali kuba mweembeli okuno ku cikombelo cindi Ne kazwa. Inzya. Lino, muna Baptisti umbii mudaala mubotu, Missionari Baptisti kunselelo okuya oyo wakatambula Muuya Uusalala. Mwabona? Amubone lino, kaba mu bumwi a Leza.

¹⁵⁴ Lino, cindi twa bona ceeci, mwabona cisubulo ceelede kubbadelwa, alimwi amubone, ciimo caatala maningi ca buumi bwa munyama muntunsi, alimwi muntunsi wakawa, mwini. Aboobo mbobuti muntunsi omwe mbwa konzya kuvuna umwi? Ca katola Leza. Elyo Leza, mu Muuya, takakonzya kufwa. Aboobo, “Leza wakali leta Mwini kuba waansi aniini kwiinda Baangelo,” Bahebrayo cipati 1, kampango ka 1. Wakacita kulibamba Mwini kuba waansi kwiinda Baangelo kutegwa kakonzya kubweza lufu, kubbadelela cisubulo, kuleta bumwi

akati ka muntu Leza alubo, aboobo Muuya Uusalala tiiwa kakonzya kujokela.

¹⁵⁵ Inkongole ya cibi yaka bbadelwa. Jesu wakacita cee ci kuti atume i—i—Muuya Uusalala kujokela, ku kukamantanya bantu alubo mbuli mbo cakabede mu muunda wa Edeni. I nkongole yaka bbadelwa cindi Jesu nakafwa. Eco caka cimana. Ameni, mukwesu! Ikuti ni Nda konzya kucibamba kumvugwa kapati, mwabona. I nkongole ili bbadeledwe. Aleluya ku Kabelele! I nkongole ili bbadeledwe. Elyo mwaalumi a mwanaakazi onse undimvwa cifumo cino, na kuyo ndimvwa kwiinda ku teepu, cisubulo cako cili bbadeledwe. Uta unduluzyi Ijwi lya Leza alubo. Kojokela ku Ijwi! Uta cisyomi... Wa kali Ijwi. Bulemu! Nda limvwa koongolola, Nda cita nconzyo. I cisubulo cili bbadeledwe. Ca kamana. Ta cigambyi Baangelo bakakwiila a kwiimba, nyimbo zyaku Julu zya kalila. Iiyi, munene, mbelele zyaka sweekede zyaka janwa! Ii mulungo waka bambilwa nguwe ku kuboozezya alubo, meenda a kusalazyza, Ijwi lya Leza eelyo limu sanzya kuzwa ku milandu yakwe, cindi Ijwi nilya kafwa mu busena bwangu nkabela wakabusigwa alubo a kuba sikweendelezya mu buumi bwangu, mu moyo wangu. Ameni. I cisubulo cili bbadeledwe! Caka mana. Twa kanununwa.

¹⁵⁶ Kutali kwiinda ku mbungano ya Katolika; nekubakuti tuli ba katolika baluzi, ba katolika bacipostolo. Iiyi, munene. Kutali Katolika yaba Roma a tuyanza twabo twa bukombi, bala kaka Ijwi eeli a buzumini bwabo bwa bukombi; zintuzyonse nzya tuyanza twanu twa bukombi, kutali Ijwi. Methodisti, Baptisti, mause kuli ndinywe, basimuyanda bubi kwiinda basimuyanda Leza. Basimuyanda misaalo, bayandaula zyanyika, misaalo, ngulube zyakujaya ku kamando. I dyabulosi utuma zibelesyo zyakwe okuya zya kutinga cintu eci mbuli Saatani mbwa kacita mu muunda wa Edeni. “Ee, bakutausi besu boonse bajisi lwiiyo. Ba jisi Ph.D., LL.D.” Ayo taambi cintu. Kukaka Ijwi eelyo, kacili kooze ka dyabulosi. Nda citondezya kuli ndinywe kwiinda ku Ijwi cifumo cino, cibe kuli ndinywe kuzwida lino.

¹⁵⁷ I basikwiya, akwalo kweenda a Jesu kaba jatene maanza, tii baka jisi bumwi. Tii baka jisi kukamantana bumwi. Peepe, ba kakazya, “Nguni uyooba bishopo kwaakumana eci. Nguni mupati maningi aakati kesu?” Tii bakakonzya akwalo kusyoma Jesu. Tii baka Mu mvwisya. “Yebo ukanaganu mu tulabi. Ko twaambila antangalala eco Nco pandulula.” Kwakanyina kukamantana akati ka Jesu a basikwiya, na basikwiya kuli Jesu, alimwi basikwiya akati ka umwi aumwi.

¹⁵⁸ Takukwe makani, eco ciinka kukutondezya, mukwesu. Swiilila kabotu lino, Ndi yanda cee ci kujata ncobeni kunsi kwini kwa moyo wako. Wabona? Leza ujisi mabambe. Kunze lya mabambe aya, Ta ndikwe makani kuvula kwa busongo kunze lya ncico, kuvula kwa mamilioni mabotu aa madollar aa mayake, kuvula kwa zikolo zya bukombi, kuvula kwa bantu

basalala a uusalala *oyu* a uusalala, uusalala, uusalala, tacibambi lwandaano pe, ikuti na Ijwi ly Leza lyomwe ilya mu Bbaibbele lyakakwa, nca dyabulosi. Lino, Nda tondezya kuli ndinywe kwiinda ku Ijwi ly Leza lilembede, kuzwa ku Cipyka kusika ku Cizuminano Cakale, nkabela Nda muleta aansi ku buzuba ikuti na mula kkala buyo a ndime maminiti masyoonto.

¹⁵⁹ I basikwiiya abo bakeenda ku janza a janza aa Jesu, kalala a Nguwe, kalya a Nguwe, kabona maleele Akwe, a kubeleka a Nguwe, munsi mbuli mukwesu uli onse mbwa konzya kuba, elyo nekubaboobo tii baka bujisi. Tee bakali kweeleta kukambauka Makanimabotu. Jesu wakati, “Muta cino kambauki, muta soli akwalo. Amu kalindile kutala okuya ku munzi wa Jerusalema. Ndiyo tuma cisyomezyo, eco cakapegwa kuli ndinywe, aali ndinywe. Eco ciyo mukamantanya mpawo.”

¹⁶⁰ “Lino, Taata, Nda lomba cuti bayooba bomwe mbubonya mbuli Nduwe a Ndime mbo tuli Bomwe. Elyo Nda . . .” “Mbuli Taata Wangu mbwa ka Ndi tuma kukambauka Makanimabotu, mbubonya Nda mutuma.”

¹⁶¹ Elyo nguwenya Taata wa katuma Mwana, wakaboola mu Mwana. Kukamantana mbuli Omwe. Wa kati, “Ikuti na Nse citi milimo ya Taata Wangu, nkokuti muta Ndi syomi. Pele cuti na milimo Yangu Nje cita ikanana maningi, muli basinkematwe ncobeni, basyataambi boofu ikuti na tamu konzyi kucibona.” Oh, mukwesu, fyuu! Kati, “Nywebo basikuupaupa! Mula konzya kuziba busyu bwa milengalenga, pele zitondezyo zya ciindi tamu konzyi kuziba. Ikuti ni mwaka Ndi ziba, nimwa kaziba buzuba Bwangu. Kabotu Isaya mbwa kaamba ndinywe. Muli jisi matwi, nkabela muli basinkematwi maningi cakuti tamu konzyi kumvwa. Meso, a boofu maningi cakuti tamu konzyi kubona!”

¹⁶² Kabotu Muapostolo Paulo mbwa kaamba cuti, “Mu mazuba akumamanino bayooba a ciwa cabukombi a kukaka Nguzu zya mbubo,” elyo Lugwalo kutobela Lugwalo, eco ciyo citika mu tubunga otu ku mazuba akumamanino. Mpawo bala gambwa kaambo Nce ompolola kulwana cilengwa eco cakapangwa aamuntu ica dyabulosi. Mwabona balo bana bayandisi koongelezegwa okuya mbuli mbelele ziya kukujaigwa. Ko zleta, Mwami!

¹⁶³ Iiyi, basikwiiya tiiba kajisi kukamantana. Tii bakakonzya kumvwisya Jesu. Ba kati, “Aah, nguni ukonzya kumvwisya zintu ezi?” Mwabona, Leza takalinaba muli mbabo. Ba kasangene buyo mu luswaanano. Ba kasangana buyo a Nguwe. Kuli bantu banji babotu sunu. Ta banywi, kubeja, kubba, kunyina, pele tii baka jisi bumwi bwa Leza. Tii bakalinaba bomwe a Leza. Mwabona, tiba kakonzya kuba. Oh, ba kacita maleele. Ba katanda madaimona. Eco tacili ii—eco tacili ii . . .

¹⁶⁴ Nda kabala caano mu pepa buzuba bumwi kujatikizya ceeco, kujatikizya kutanda madaimona. Bantu balati, “Oh, mukwesu,

Nda kwaambila, nce ncico.” Tacili nce ncico! Ii muntu oyo uutanda daimona a kukaka Ijwi lya Leza, walo mubeji. Iiyi, munene. Wa amba kuti ula tanda madaimona. Ba taminina kucita boobo. Ta konzyi kucicita ikuti na tali antoomwe a Ijwi lya Leza. Jesu wakaamba boobo.

¹⁶⁵ Lino, mpawo kwakasika Pentekoste, Leza waka babamba bomwe alimwi. Oh, ma! Mpawo bakali jisi bumwi a Leza. Leza wakali muli mbabo. Lino, Incito, ikuti na mula cilemba, Incito 4:32, Bbaibbele lya kat “Ba kali a moyo omwe, buntu bomwe, a muzeezo omwe.” Oh, mukwesu. Nkaambonzi? Ba kaboozegwa kujokela ku mbali ntaanzi. I cintu biyo ncoba kasiya kumwaigwa wakali munzi wakaindi, na bakapona omuya, mubili wakaindi uutegwa munzi na tempele, mobakali kukkalila okuya, oyo wakabola, nkaamo weeledge kufwa kubola. Pele mu muuya a buumi, a mu bukanze a mu cilengaano, a zintuzyonse, ba kali bomwe a Leza.

¹⁶⁶ Oh, Adamu, mweenzuma sikuusa, ta lekeli Saatani ku kwaambila bubeji bwakwe alubo. Uta lekeli eco kucitika. Uta lekeli Saatani ku kwaambila kuti Ijwi tali kanzili eco nco Ly a amba. Mbo mbubo. I Ijwi lyaamba . . . Inzya, okuno kutali . . .

¹⁶⁷ Nda kali kwaambaula a lubbizyo mu Zina lya Jesu Kristo. Mbo mbubo, ciyubunuzyo ca loolo cakasika. Obo Mbwini. Pele ncinzi nkamu ya bantu nciya kacita? Kalubunga akulu sowela anze a kubikka kabungwe kunze lya ndulo, kapanga imbi ngazi ya Bbabelo. Cintu nciconya, ka ciwaalila muli ncico. Masimpe. Luther wakacita cintu nciconya. Wesley wakacita cintu nciconya, John Smith wakacita cintu nciconya, Alexander Campbell wakacita cintu nciconya. Pentekoste yakacita cintu nciconya. Leza ubeleka a bagame kubamba Ijwi Lyakwe. Bubambe biyo bwa Leza bwakuleta basyomi kuli Nguwe, mu bumwi bwakasimpe, nkutambula Muuya Uusalala. Mpawo mpaawa nzila . . .

¹⁶⁸ Yebo wati, “Ee, Mukwesu Branham, Nda kaambaula mu myambo. Nda kaongolola. Nda kacita eci.” Ikuti na ucijisi musyobo wa muuya oyo a kukaka Ijwi lya Leza, to jisi Ijwi lya Leza muli nduwe, to jisi Muuya. Ikuti na wakkala a kumvwaa Bwini kabu kambaukwa, aku Bu langalanga mu Bbaibbele a kubona kuti Bwalo Mbwini, elyo mpawo wakaka kucicita, oyo tauli Muuya wa Leza. Ta ndikwe makani kunji nko kakambauka mu myaambo, kunji nko kaongolola, kuvula kwa mambungano ngo kazulilwa ko, na kuvula kwa ziindi nzoka bbizigwa, na kufumbwa cintu cimbi. I Ijwi Mbwini. Eco nce cisimpikizya bwini. Ikuti na ujisi boonse obo bwini bumbi alimwi mpawo a Ijwi, ameni, mpawo ulizi kuti uboola ku muunzi.

¹⁶⁹ Sena . . . mbobuti nguwenya Leza oyo wakalemba Bbaibbele kunyona a kusintanya cintucimwi cimbi ku Ijwi Lyakwe? Nywebo nobantu ba Katolika abo bakati Petro waka zikkilwa

mu mbungano yanu, nkabela muuya wakwe umupa nguzu zya kulekelela zibi a zintu, mbobuti Petro mbwa konzya, Mujuda, kusola kukonzya kuba mituni mu mbungano? Mbobuti Petro mbwakonzya kusola kukaka kwaamba kuti lubbizyo lwa Muuya Uusalala lwakasika, nkabela wa kaamba mu myaambo, elyo zyoonse zintu ezyo zyanguzu nzya kacita, a kunyona alimwi a kwaamba kuti a mulye kankwa kaniini kapapalete, alimwi Leza uli mu kankwa ako kapapalete? Oh, nkubula luzibo, kubula luzibo lwakumuuya!

¹⁷⁰ Ee, lino, nywebo noba Protestant cintu nciconya, keenda kumbele a kusukana maanza a mukambausi, a kwaamba kuti, “Nda tambula Jesu mbuli Mufutuli wangu wacigaminina,” a kujokela a kupona musyobo uli oonse wa buumi kuzwa kuli ncico, a kuzumanana ncobeni kupona a inyika. Ngazi imbi ya Bbabelo.

¹⁷¹ Tuya buselemukila ku mamanino lino. Amulange. Leza wakatuma Muuya Uusalala, nkabela Muuya Uusalala ngu Leza Mwini. Ngo Umwi uyo bamba bumwi aakati ka Leza a muntu. Atu bone. Lino tucite. Lino Ndi yanda kupakamana kwanu ku maminiti masyoonto atobelna obo. Amulange.

¹⁷² Muntu kensi lya mabambe aa dyabulosi wasoleka kubunganya mbungano mu bumwi. Ba kasoleka ku bunga-... kuiyiisa mbungano mu bumwi, nywebo mulizi eco, kwiinda mu lwiyo, kwiinda mu kabungwe. Bali mukusola ndyoonya lino, Kkanso ya Mambungano ya Inyika yonse, kuyabuya kusola kuleta boonse ba Katolika aba Protestant antoomwe a kubamba kuba bomwe. Ino ncinzi? Ii mabambe aa dyabulosi!

¹⁷³ Yebo wati, “Uli singuzu muniini kwaamba ceecho.” Ndili singuzu muniini, pele Ijwi lya Leza wangu ndipati ncobeni, Nda kwaambila booboo. Majulu a inyika ziyo loba, pele Tali kaciti. Tali oyo ucaamba, ngo Nguwe—ngo Nguwe—ngo Nguwe oyo waka caamba lutaanzi. Nda amba buyo eco Nca kaamba, Ndi zumina Ijwi Lyakwe.

¹⁷⁴ Cili kensi lya dyabulosi! Ca tondeezegwa awa mu Ijwi, nciconya cifumo cino kumbele lyanu, kuti nca dyabulosi. Kufumbwa kamwi ka tubunga oto mbo kabede. Baalumi, bali kensi a mabambe aa dyabulosi, kusoleka kubunganya bantu ku bumwi.

¹⁷⁵ “Nyoonse amuboole musangane Asemblisi ya Leza. Musangane ba Bumwi. Musangane Mbungano ya Leza. Musangane Methodisti. Toonse tuli bamwi.” Nywebo no nkamu ya basikuupaupa, bajisi ciwa cabukombi a kukazya Nguzu zya mbubo. Alyalo Ijwi lya Leza lyaka zungaanisigwa nkukonya kumbele lyanu, nkabela mwa yoowa ku Li lwana. Mpawo nkaambonzi Leza nca talitondezzi Mwini, ikuti na muli aa Leza? Nkaambonzi nco mutaciti milimo ya Leza? Mbobuti mbo mukonzya kuba a ciwa eco, a kuunka koonse ku Mu kaka,

akwalo kwiita milimo ini ya Leza kuti Bezebule? Ci latondezya, nywebo nonkamu ya basimbungano bayiide! Jesu wakati, "Muli bauso wanu, dyabulosi!" Yaa! Ndili masimpe mwa mvwisya eco Nce amba. Incobeni. Nkaambonzi muntuumwi ta Li lwani? Mu lizi kuti Leza uli kunze a Ndilyo. Leza uyo enda a Ijwi Lyakwe.

¹⁷⁶ Muntu ula cita eco, nkuyaka ngazi iimbi ya Bbabelo. Ino ucita nzi? Ba soleka kutondezya... Amulange muli yeeyi Kkanso ya Mambungano ya Inyika lino. Ba Angiliken, Katolika yaba Roma, Methodisti, Presbyteria, bana Pentekoste, aboonse babo bakakamantana antoomwe, Kristiani Sayansi, a bunji bwa tukamu twanguzuuzu oto tukaka kuzyalwa kwa nakalindu, oto tukaka Buleza bwa Jesu, ku Mu bamba kuba bantu botatwe, kusoleka kukomba tuleza totatwe, kukaka kuzyalwa kwa nakalindu. Bamwi babo bakaka Bulowa. Bamwi babo bakaka maleele Aakwe. Boonse babo bala cita, kutandila. Elyo mpawo—mpawo kusoleka kukamantanya cili boobo antoomwe, mbobuti mbo konzya kucicita? Ni ngazi yaka bambwa aamuntu. Iyoowa mbuli Bbabelo mbo yakacita.

¹⁷⁷ Pele Leza wakati, "Takuli ku nguzu, takuli ku bukozu; nkwiinda ku Muuya Wangu, mbwaamba Mwami. Obo Mbweyo kamantanya Mbungano Yangu. Kutali kwiinda ku kabunga, kutali kwiinda ku lwiyo, kutali kwiinda kuli basilwiyo lwa bukombi; pele kwiinda ku Muuya Wangu, mbwaamba Mwami, Ndiyo leta mbelele Zyangu antoomwe." Oh, ma! Elyo cindi Aa kucita, ncinzi ciyo citika? Elyo zitondezyo Zyakwe ziypa bumboni mbubonya. Obo Israyeli mboya ka konzya kwaamba, kaba taninga nyonganisigwa kuli ba Moabu. Kwakali Musumpululu wa Mulilo atala lyabo. Iiyi, munene. Ino Uyo citaanzi? Uyo pa bumboni, musyobo nguwenya wa bumboni. Pele cindi niba kapambuka a boobo kuli Leza, kandaanya bumwi bwabo akati kabo a Leza, akunjilana a Moabu a mbabo, kuzunda koonse kwakaalilwa. Ba kakkala mu nkanda kwa myaka imbi iili makumi one, mane Leza wa busya nkamu iimbi ya kuzabuka a kumanisy a mabambe Aakwe. Nce ncico ncobeni ncoba kacita.

¹⁷⁸ Eno amulange. Pele cindi Leza aleta mbungano antoomwe a Muuya Wakwe, bayooba a zitondezyo Zyakwe izya Leza muumi akati kabo. Ino musyobo nzi wa zitondezyo? Cindi Leza naka ndaanya Israyeli kuzwa kuli Egepita, Leza wakapa Musa a Israyeli citondezyo ca Musumpululu wa Mulilo. Mbo mbubo? Ii musinsimi. Cindi Na kandaanya Abrahamu kuzwa kuli Lota, kwakali Angelo wakaboola kuli nguwe, oyo wakakonzya kutweluka miyeeyo a makanze a moyo. Citondezyo! Aleluya.

¹⁷⁹ Lino otu tubungwe oto twa ka jatwa muli yeeyi mbungano, kusoleka kubamba bumwi mbuli mu Egepita, muli kumusanza mu—mu Edeni, amumwi mumbi, kensi lya koongelegzegwa oku kupati mbo babede.

¹⁸⁰ Pele, amulange, Ndi yanda ku mubuzya cintucimwi. Cindi Leza nakandaanya Israyeli, Wa kabapa citondezyo ca Cigambyociindi, Musumpululu wa Mulilo. Wa ka bapa musinsimi. Ino Wa ka citaanzi kuli Abrahamu? Ino ncinzi Nca cita ciindi coonse? Amundi tondezye musinsimi wakasalwa aa Leza akati kabo. Wa ka sitikizya mbungano Yakwe antoomwe kwiinda ku baapostolo a basinsimi a bamayi a bavangeli. Aleluya! Mpaawo mpobede. Ii mbungano, alubo, mbuli Mbwa akaita kugwisya Israyeli. Nda mwaambila kuti Ndila jokela kuli ncico. Iiyi, munene.

¹⁸¹ Taakwe basinsimi bakasalwa aa Leza akati kabo, peepe, munene, mbuli mbo bakali abana ba Israyeli a mbabo. Ino ncinzi? Ii dyabulosi ni ngazi alubo.

¹⁸² Lino, Kuboola kulafwaafwi maningi, Kuboola Kwabili kwa Jesu, Uli mukubunganya Basale Bakwe antoomwe. Nda syoma obo. Oh, ba yozwa Kujwe a Kumbo. Oko kuli mutunta, basikwaze bayo bungana. Oh, ma, ino ncinzi eco? Ujisi bumwi Bwakwe, bumwi Bwakwe bwakasimpe, kalitondezya Mwini akati kabo; kuzwa ku kabungwe akamwi, kuleta Basale Bakwe antoomwe kuzwa ku misyobo yoonse ya mambungano, kuzwa kuli koonse, kagwisya bana Bakwe, mu kweendelana ncobeni a Ijwi Lyakwe. Inzi?

¹⁸³ Lino, Kuboola kwa Mwami Jesu kulafwaafwi maningi, kuboola kwa lubeta, Uli mukwiita Basale Bakwe antoomwe mu kuba bumwi a Nguwe, a musyobo nguwenya wa mulimo Ngwa akajisi. Mu lizi obo Mbwe kaamba mu Makkalo aa Mbungano, okuno kutali ciindi cilamfu cainda, kujatikizya i—i ngazi mpati eyo yakayakwa, iitegwa piramidi, pele bbwe lya nsonje tee lyaka bikkidwe ali njyo. Amuyeeye obo bana Lutherani mbo bakaboola, mpawo bana Wesley mu busyoonto, elyo mpawo kuselemuka ku Pentekoste. Elyo lino ncinzi Ncali mukucita, kwiita kuzwa kuli ceeco. Ncinzi Nca akacita? Wa kaita kugwisya Basale, ku bamba bana Lutherani; Wa kaita kugwisya Basale, kuzwa kuli bana Lutherani, kubamba bana Wesleyani; Wa kaita kugwisya Basale, kuzwa kuli baabo, kubamba bana Pentekoste; lino Uli mukwiita kugwisya Basale bana pentekoste, ku kubamba insonje ku njila kuli njyo. Ii musyobo nguwenya wa mulimo kaulokela moonya muli ncico, kwiita bana Bakwe kuzwa ku tubungwe toonse a bweende boonse bwa buumi.

¹⁸⁴ Ncinzi Nea cita? Wa bikka ambabo bamayi beni, basinsimi beni abo baka kkala a Ijwi Lyakwe, Bbaibbele. “Mbelele Zyangu zilamvwa Jwi Lyangu,” wakaamba Jesu. Ikuti na eelyo lyakali Jwi Lyakwe kaindi, ndi Jwi Lyakwe lino. Kufumbwa cintu ciimpene ku Jwi eelyo, tacili cakulya ca mbelele. Ta zika citobel. Oh, mukwesu. Kuzwa Kujwe, kuzwa Kumbo, kuzwa ku tubungwe toonse, kuzwa ku tubunga toonse, ba boola kuzwa Kujwe a Kumbo, kubungana antoomwe! “Tuyo pobola a Mwaami, ku lalila mbuli baswayi Bakwe, obo

mbo balelekewa aba bamuzwamasi! Kubona busyu Bwakwe bwa bulemu bubalama a luyando lwa Buleza; basizyaabilo bakalelekwa iba luzyalo Lwakwe, mbuli ngale mu musyini Wakwe uumweka. Jesu ula boola cakufwambaana, kusunkwa kwesu kuyo mana mpawo.” Aleluya! “Ino kuti Mwami wesu kuciindi cino wabolela baabo baangulukide kuzwa ku cibi? Mpawo sena inga cakuletela lutangalo, na buusu a kufwaba kupati? Pele cindi Mwami wesu mu bulemu aboola, tu yo Mu swaana mu mulengalenga.” Aleluya! Iiyi, munene.

¹⁸⁵ Ino ncinzi? A bamayi bakatumwa aa Leza abo bayo kkala ncobeni a Ijwi, ku Mbungano iini, kutagusya kabeela komwe kakutakwe makani eco kabunga nco kanga kaamba. Taba swaangene ambubo. Basinsimi; kutali kulicengeezya, mbo baitwa, pele musinsimi wakasimpe ujisi MBUBOOBU MBWAAMBA I MWAMI, a kuba eni aelete ciindi coonse. Nce ncico Nca katuma mu Mbungano Yakwe. Nce ncico Nca akaamba kuti Uyo cita. Ulasyoma Ijwi; kutali kansiyansiya, kutali kayanza kabuzumini, pele Ijwi. Elyo, kwiinda mukucita boobu, Ula litondezya Mwini muli mbabo kwiinda mukuzibya Ijwi Lyakwe, kubamba Buumi mbubonya obo Mbwa akapona lumwi, kupona mbubo alubo, kuleta Ijwi Lyakwe kuzwidilila. Oh, ma!

¹⁸⁶ Amuswiile kabetu. Bakorinto Bataanzi 4:20, yaamba kuti, “I Bwami bwa Leza ndi Ijwi Lyakwe lya bambwa nguzu.” Kuti na tuyanda ku cilemba eco, Bakorinto Bataanzi 4:20. I Bwami bwa Leza ndi Ijwi lya Leza lya bambwa nguzu. Ino Bwami bwa Leza niinzi? Buli muli ndinywe. I Bwami buli muli ndinywe. Elyo cindi Ijwi lya njila mukati omuya, ino ncinzi eli Ijwi nco litalika? Lila lisandula Lini kuba nguzu, ku Li bamba kwaamba nciconya eco nce Lya kaamba.

¹⁸⁷ To konzyi kwaamba kuti “Lya amba boobu,” alimwi Lya amba Boobu, aku Li bamba kubeleka. We elede kwaamba cintu nciconya nce Lya amba. Oko kubamba kulyaambilila. Kutali kwaamba, “Ee, Lya kalondolwa awa anii, Ndi yooba a busongo bunji, Ndiyo oba mu kwiima kubotu okuno.”

¹⁸⁸ Ko kkala aa Ijwi. Nceeco we, mwabona. Elyo Li Libamba kuba nguzu. “Jesu Kristo mbobuca nguwenya, sunu, amuya myaaka.” Jesu wakati, mu Musalali Johane 14:12, “Ikuti na mwa kkalilila muli Ndime a Majwi Aangu muli ndinywe.” Peepe, Mundu jatile, eco tacili ncico Nca akaamba okuya. Wa kati, “Oyo uusyoma muli Ndime, milimo Nje cita uyo icita awalo. Ikuti na mwa kkalilila muli Ndime a Ijwi Lyangu muli ndinywe, mula konzya kulomba kufumbwa cintu nco tuyanda nkabela ciyo citwa kuli ndinywe. Ikuti na mwa kkalilila muli Ndime a Ijwi Lyangu muli ndinywe.”

¹⁸⁹ Ino ncinzi? We elede kweendelana a Ijwi, kulibamba kujaigwa omwini. Ndili lamidwe kuti bunji bwesu, beenzuma,

twa katambula Muuya Uusalala, pele twa katambula buyo Muuya Uusalala ukubwene muli ndiswe kutu bikka aabusena mpo tuta yandi kubeja, mpo tuta yandi kubba, mpo tuta yandi kucita cili coonse. Pele Leza uyanda kuzuzya kapapu koonse ka Mbungano Yakwe, Walo uyanda kuzuzya kuyeyya kwako alimwi Walo uyanda kuzuzya mizeezo yanu. Walo uyanda kuzuzya kabela koonse kanu, ku mubamba buyo kufwa cakumaninina, kufwa ncobeni kuli lwanu na ku kuyeyya kwanu, kulipa buyo loko muli Leza mane Ijwi Lyakwe lipona buyokabotu kwiinda muli nduwe. Yebo tozi cintu cili coonse cimbi cita Ijwi lya Leza, ku kkala buyo ncobeni a Ijwi Lyakwe, Lyalo Mbuumi. "Majwi Aangu Mbuumi," wakaamba Jesu. Wa kabikka ambabo, bamayi kusyoma Bbaibbele, basinsimi abo baamba Bwini, abo baamba kuti, ko tondezya cisinsime nciconya eco nco bakacita lyoonse kwiinda mu bukkalo. Ino Wa ka citaanzi? Uli mukulitondezya Mwini kapona akati kabo, kasimpikizya Ijwi Lyakwe. Ijwi Lyakwe, Bwami bwa Leza ndi Ijwi lya Leza lya bambwa nguzu.

¹⁹⁰ Kuciindi, otu tubungwe notu yaamina ku kubuzyabuzya kwa buntu, a kubuzyabuzya kwa buntu. Amuswiilile kabotu lino. Ba... Ta tweede kuyaamina ku kubuzyabuzya kwa buntu. Tusimpi, cipati 3, kampango 5, kati, "Uta yaamini ku kumvwisywa kwako." Mwabona? Uta citi eco, takukwe makani obo Ijwi lya Leza mbo *liboneka* kuba.

¹⁹¹ Yebo wati, "Ee, ciboneka mbuli kuti cili biyo kabotu mu nzila *eyi*."

¹⁹² Obo tabuli Mbo libede. Ndi Ijwi lya Leza, ko Li bweza mu nzila Nja ka Lya amba. Eva wakati... Saatani wakati kuli Eva, "Ndi lizi Leza wakaamba Obo, pele ta Lya ambi cini eco. Lya amba ceecei." Elyo waa ka cisyma. Waa cisyma. Eco cakamwaya bumwi, eco cakamwaya luswaanano, eco cakamwaya lukamantano, eco cakamwaya inyika, eco cakamwaya buumi, eco cakamwaya zintuzyonse!

¹⁹³ Elyo muntu uutasyomi Ijwi lyomwe lya Ijwi ilya Leza, cimwaya luswaanano loonse a zyoonse. Yaa! Tula Li syoma nape ta tu Li syomi. Atu kkale a Ndilyo! Leza wakaamba obo, nkabela atu kkale a Ndilyo. Zintu zinji Nzye elede kusotoka awa, nkambo kwainda kale aa ciindi.

¹⁹⁴ Mbuli mu ziindi zya kaindi, mu ziindi zya kaindi bantu niba kacita ceecei, ca kaleta lubeta lwa Leza ku nyika. I ngazi ya Bbabelo, lukamantano lwa bana ba Kaini a bana ba Seti, cakaleta lubeta. Lyoonse cileta lubeta lwa Leza ku inyika. Mwabona? Oh, bumwi bwa kasimpe a Nguwe buyoobuka mu lubeta, atala lya neico, mbuli Nowa mbwa kacita mu lubeta olo a mukwasyi wakwe. Nowa mululami a mukwasyi wakwe bakainka atala lya mbeta. Ncinzi ncoba kacita? Ba kainka!

¹⁹⁵ Mukwesu Lee Vayle, ikuti na wakonzya kujata ceecei, nceeci mbo cibede. Oyo ngo mubuzyo ulikke ngo tu tazuminani, walo

usyoma kuti Mbungano iyounka mu lubeta. Nse kuboni. Nse kusyomi.

¹⁹⁶ Nowa taakwe na kainda mu mbeta, wa kainka atala a mbeta. Abrahamu taakwe na kajisi mulilo, wa kali kuzwide ku mulilo. Israyeli takali mu lubeta lwa Israyeli, ya kali pambwidwe kuzwa ku mulilo, kuzwa ku mbeta. I Mbungano iyoenda atala a lubeta, mu bwaato bwa Muuya Uusalala, kanyamunwa kuzwa ku nyika.

¹⁹⁷ Eci cintu ca Kkanso ya Mambungano tacili cintu cimbi mu inyika pele ii—ii kukopanya kwa nakalindu mufubafuba, kutegwa asyaale ano a nyika ku kusalwa kwa sikulwanakristo. Pele Mbungano iini ya Leza iyo impauka mbuli Nowa wakale mbwa kacita, a kuyabuya mu Bulemu camasimpe buyo mbuli Mbwe imvwi awa. Ako nkekaambo Ncali mu kubabunganya antoomwe. Nce ncico Jwi ncoli kanana sunu kuya kumbele okuno. Nce ncico Leza ncali mukucita, uli mukubunganya umwi kuzwa mu Los Angeles, a umwi kuzwa mu Philadelphia, a umwi kuzwa mu Georgia, abamwi bambi. Kubabunganya antoomwe, bantu Bakwe abo bali bambilide kusyoma Ijwi lya Leza mumi. “Mbuli mbo kwakabede mu mazuba akwa Nowa, mbubonya mbo kuyooba mu kuboola kwa Mwana wa muntu, omo bace buyo mobaka futulwa, bace buyo mbabonya.” Ncibotu, bwaato bwesu bwa Muuya Uusalala buyoimpauka mpoonya atala aa mbeta zya Leza, nkambo twa betekwa kale, mbuli mbo tu zumina Jesu, elyo Wa ka bweza lubeta lwesu.

¹⁹⁸ Otu tubungwe, nekuba, ntu yumu mitwe loko! Tuli mbuli Eva, waa yandisya busongo bwakwe cakutalanganya obo Ijwi lya Leza mbo lyakabede. Nimurod wakali kuyanda ngazi yakwe, cakutalanganya, Lugwalo na pe! Ba kali bayumu mitwe! Eva wakazi kabotu loko. Seti wakazi kabotu kwiinda kuvida banakazi abo babotu. Israyeli yakalizi kabotu kwiinda kuzwa awo mu bumambi obuya. A nywebo mbubonya! Pele bamwi mbayumu mitwe loko, Lugwalo nanka kutali Lugwalo! “Alelekwe Leza, baama bakal bi Presbyteria! Ndi yooba, ambebo.” Kuzumanana, kuzumanana nce cintu cilikke neo konzya kucita mpawo. Leza abe siluse ku buntu bwako bubyaabi. Mbobuti mboya kubuloboka, kakuli ulizi kuti mbwini? Elyo ikuti na wabona Ijwi lya Leza, nekubabobo toyeyi kuti Ndyo Bwini, nkokuti kuli cintucilubide ku kutweluka kwako kwa kumuuya. Mbombubo ncobeni. Amulange ku cisi coonse akubona oko ezi zintu nko zicitikila. Tuli kuciindi camamanino, beenzuma. Sena tee twa kazwa kumanizya Makkalo aa Mbungano a kuziba ceeco ciyo citika mu Bukkalo bwa Mbungano ya Laodikeya? Sena tee twa kazwaa kumanizya ceeco? Mwabona eco Nce pandulula na? Tuli kuciindi camamanino.

¹⁹⁹ Leza uli mukubunganya Basale kuzwa ku myuuwo yone ya inyika. Wa kati Uyo tuma baangelo aku babunganya. Sena

mbo mbubo? Kubabunganya antoomwe, kubandaanya kuzwa ku nsaku. Ameni. I nsaku ziyooumpwa, kutali maila. Yaa.

²⁰⁰ Pele, mbayumu mitwe loko, bayooba a ncico na pe, tacibambi lwandaano luli loonse. Oh!

²⁰¹ Pele Bamwi basale iba Leza balaililwa kuti bazwe akati kaboo. "Amwa andaane," mbwaamba Leza, "nkabela Ndiyo mutambula. Mu tagumi zintu zyabo zyanyika, nkabela Ndiyo ba Uso wanu, na Leza, nkabela muyooba bana bangu balombe abasimbi. Muta sungwi mu jokwe lyomwe abatasyomi, pele muzwe kuli ndulo!" Leza uyanda kwandaana kuzwa ku inyika. Walo uyanda kukamantanisigwa a nduwe, Mwini. Elyo taakwe mapange aakabambwa aamuntu, kabungwe, na lwiyo lumwi lwa bukombi lwakapangwa aamuntu luyo sola kwiima. Ciyo tola Leza, Muuya Uusalala, muli nduwe, ku kukamantanya kuli Leza. Elyo mbobuti mbo ziba kuti ulu Ujisi? I Muuya Uusalala oyo wakalemba Ijwi uyo peda bumboni ku Ijwi lyoonse; a zintu nzizyonya ezyo Muuya Uusalala nze wa kacita mu Cizuminano Cakale, Uyo cita mu Cizuminano Cipy; uyo cita lino mbubonya buyo, nkaambo Jesu Kristo ngu mbobuca nguwenya, sunu, amuya myaaka. Elyo yebo tosungidwe mu jokwi a tubunga a inyika. To sungidwe mu jokwi ambabo. Talisungi mu jokwi akati kaboo, pele kozwa akati kaboo! Yebo usungidwe mu jokwi a Kristo. Ameni. Wakasungwa mu jokwi a Mwami Jesu Kristo.

²⁰² I Bbaibbele lilati, mu mazuba akumamanino kuyooba mambungano, ngazi iimbi ikozya ya Bbabelo. Ba yooba a ciwa cabukombi, a kukaka Ijwi lya Leza a Nguzu, Nguzu zya Ijwi Lyakwe. Elyo ino Ijwi niinzi? Ino Bwami bwa Leza niinzi? Twe elede kuzulilwa ku Bwami katu taninga sola ku balelwa ba Mwaami. Mbangaye bazi obo, amwaambe "Ameni." [Mbunga yaamba, "Ameni."—Mul.] Ee, mbobuti mbo njila mu Bwami? I Bwami bwa Leza ndi Ijwi lya Leza lyasandulwa kuba nguzu. Ameni. Bambwa nguzu; kugwisya cibi, kupa zitondezyo. Musyobo nzi wa citondezyo? Ikuti na Ndi Ijwi ndilyonya eelyo lyakagusya Musa, Liyo leta citondezyo nciconya.

²⁰³ I cintu nciconya eco cakandaanya Lota wakali kukasaala buyo. Lino, tu lizi kuti Lota wakali kukasaala buyo, elyo Jesu wakati kuyooba citondezyo ca ciindi camamanino. Lota wakali kukasaala buyo kakkedde okuya, wa kali mukombi, masimpe, walo a mukaintu wakwe. Alimwi bakali kuzulilwa ku misyobo yoonse ya misaaloo, alimwi wa kali meya wa muunzi, alimwi, oh, kwakali zintu zyoonse zyakali kucitika. Wa kali mukombi maningi. Wa kasangabalisyia bavangeli a boonse babo baka swaya, wa kali kabotu munzila eyo. Pele, oh, mukwesu, ta kali Musale oyo.

²⁰⁴ Amu lange eco cakacitika! Nkaambonzi? I Leza nguwenya oyo wakandaanya a kusika kuli Abrahamu aku mutondezya kusimpikizigwa kwa kupambulwa kwakwe... Uhmu! O Leza!

Obo Mbwe lombozya kuti Nda konzya—lombozya kuti Nda konzya buyo kucita cintucimwi kumubamba ku Ci bona. Leza wakatondezya Abrahamu, mukuti waka lyandaanya mwini, Wa kamu tondezya kusimpikizigwa kwa ncico, kuti Wa kali anguwe alimwi mpoonya akati kakwe. Elyo Jesu wa kaamba cintu nciconya ciyotola busena mu mazuba akumamanino. Kutali kuti cisi wakali Abrahamu, wa kali mibusyoonto, pele Leza wakali anguwe. Wa kalyandaanya kuciindi eco. Twe elede kulyandaanya lwesu mu mazuba aya akumamanino.

²⁰⁵ Elyo ikuti na Leza wakapa citondezyo kuli Musa, kuli Israyeli, musinsimi unanikidwe, Musumpululu wa Mulilo, kapa citondezyo kuli Abrahamu. Wa—Wa kapa citondezyo kuli Israyeli. Wa kapa citondezyo kuli basikwiyya. Citondezyo nciconya, ciindi coonse! Citondezyo nciconya, Musumpululu wa Mulilo!

²⁰⁶ Paulo, nakali mu lweendo lwakwe kuya buselemukila ku Damasko, mpaawo kwakamweka Musumpululu wa Mulilo kumbele lyakwe, oyo akwalo wakazima meso aakwe, ku muumina kuwida ku mazwi aakwe. Taakwe muntuumbi waka Ubona. Bantubonse kabaimvwi koonse, tee baka Ubona. Elyo Jwi lyakati, “Saulo, nkaambonzi nco Ndi penzya?”

²⁰⁷ Wa kati, “Mwami, ino Nduwe Ni?”

²⁰⁸ Wa kati, “Ndime Jesu.” Ii citondezyo! Elyo ino wa kalinzi? I muapostolo kuli Bamasi. Ameni.

²⁰⁹ Mpaawa tuli mu ciindi cakumamanino, kuboola kuzwa Kujwe a Kumbo, Kunyiika a Kumusanza. Neinzi nco tucita? Kulibambilila ku Kukwempwa. Kulibambilila ku...Kulijata tobени cakusitikila ku maminiti masyoonto kusikila kapapu koonse kazulwa Muuya Uusalala. Mpawo Uyo tolwa kujulu. Oh, ma! Kwita bantu Bakwe antoomwe kuli Nguwe, mu bumwi bwa kasimpe a Nguwe, nkaambo ngu umwi Wakwe Muuya Uusalala. “Kwiinda ku Muuya omwe toonse camugame twa kabbizigwa mu Mubili omwe, Mubili wa Jesu Kristo mbouzulwa.” Elyo Jesu Kristo ulapona a Muuya Wakwe mu mubili wesu, kuubelekela Mbungano a kucita zintu nzyoonya Nzya kacitide, mbuli ii—ii citondezyo, mbuli ndembela ku inyika, kuti tuli mu mazuba akumamanino, kuya bulibambilila ku Kukwempwa. Oh, Nda Mu yanda, ta muciti na?

²¹⁰ Ndi jisi kale bbuku awa, pele Nse konzyi kuya kumbele limbi, tuyu bumuka. Ndiza ndiyo lizumanana ciindi cimbi.

²¹¹ Tuli kumamanino. Bumwi. Sena uli bumwi loko a Leza? Eyo nje nzila mboya kuyandika kuyooba. Inzya. Tuyo elela kuyooba bomwe a Nguwe mane...Lekela muyeeyo wakali muli Kristo kuba muli ndinywe. Mpawo Kristo, muyeeyo Wakwe Mwini muli nduwe uyo ziba Ijwi lyoonse Ndyia akalemba. Wa kacita mu baapostolo, kupandulula Magwalo mbo kweelede, ali Mbwini, mwabona, Muuya Uusalala. Ikuti Na Mbwini,

mpawo Uyo peda bumboni bwa Mbubo kwiinda ku kuleta citondezyo nciconya eco Nca kapede Musa, citondezyo nciconya Nca kapede Abrahamu, citondezyo nciconya Nca kacita kwiinda kuli Kristo, citondezyo nciconya Nca kacita kwiinda kuli Paulo. Tuli mu ciindi cakumamanino. Wa kaamba kuti eco ciyooba. Tuli mu ciindi cakumamanino. I Mbungano, mboizulwa, ili muku libunganya antomwe mu lukamantano, umwi awa aumbi alya, kuya bupanga.

²¹² Wa kati, “Kuyooba bobilo mu muunda, Ndiyo tola omwe.” Omwe. Langa, “Bobilo mu muunda,” eco nciindi casikati, kutebula, “Ndiyo tola omwe a kusiya omwe. Kuyooba bobilo mu bulo,” ku bbazu limbi ly inyika, “Ndiyo tola omwe a kusiya omwe,” ku kuboola kwa Mwana wa muntu. Elyo kuli afwaafwi loko, ciindi caswena loko.

²¹³ Muta! Muta, Adamu! Adamu! Eva, Adamu, andi kwiilile ndinywe, muta swiilili limbi ku bubeji bwa dyabulosi. Amukkale a Ijwi lya Leza, Ngu MBUBOOBU MBWAAMBA I MWAMI. Amukkale a Ijwi Lyakwe. Kwandaana kuli Ndilyo nku mwaya luswaanano lwanu a Leza, bumwi bwa Leza kwiinda ku Muuya Uusalala. Mpawo ikuti na waamba kuteeti ujisi Muuya Uusalala nkabela tau zuminani a Ijwi, mpawo toli bumwi a Leza.

²¹⁴ Obu mbo bumwi bwa Leza, cindi wa . . . i—i muuya oyo ngo jisi kauzuminana a Ijwi eli, a kuyubulula eli Ijwi akubamba eli Ijwi kuba nguzu ku kucita nzila njiyonya Mbo lyakacita okuya.

²¹⁵ Atu caambe antoomwe. Bumwi [Mbunga yaamba, “Bumwi”—Mul.] a Leza [“a Leza”] nkuba a [“nkuba a”] Muuya wa Leza [“Muuya wa Leza”] muli nduwe [“muli nduwe”] kuzuminana [“kuzuminana”] a Ijwi [“a Ijwi”], Ijwi lyoonse [“Ijwi lyoonse”], Ijwi mbolizulwa [“Ijwi mbolizulwa”], aku Li bamba [“aku Li bamba”] kuyubululwa [“kuyubululwa”] mu nguzu [“mu nguzu”].

²¹⁶ Mboobo we, obo mbo bumwi a Leza. Cindi ezyo nguzu zya beleka muli ndime, kubeleka muli nduwe, tuli bomwe. Ameni! Mukwesu Kidd, cindi nguzu zya Muuya Uusalala zyabeleka muli ndime a muli nduwe, takukwe kwiimpana, Ijwi nkolili. Lila beleka. Ameni. Li Libamba mbuli Mbo libede, Leza waba mibili wabantu muli nduwe kwiinda ku Ijwi Lyakwe. I Ijwi lyabambwa kuba nguzu akati kanu, Ijwi lyoonse!

²¹⁷ Lino, yeeya, dyabulosi ulabweza mulwi woonse wa Ijwi, kabotu kutandila mapeseenti ali makumi alifuka afuka aa Ndilyo. Komwe kuzwa mu mwaanda wa makumi alifuka afuka a peseenti ali makumi alifuka afuka ya komwe kuzwa mu mwaanda, uyo Li bamba kabotu ncobeni, pele mpawo uyo sotoka kuzwa *awa*, ako nke kamwi kaleta lufu mpoonya awo. Ako kadunsula nketani aakati, kuselemuka mbo endela.

²¹⁸ Ijwi lyonse! Ncinzi Jesu nca kaamba? “Muntu takaponeni cinkwa cilikke, pele ku Ijwi lyonse!” Kutali kuponena ku Majwi

aa Leza masyoonto, kutali ku makumi alifuka a mapeseenti ali makumi alifuka afuka aa Ijwi lya Leza. Pele ku Ijwi lyonse lizwa ku mulomo wa Leza, muntu uyo pona kuli Ndilyo.

²¹⁹ Saatani waka Mu tola alya atala a kwaamba cuti, “Kuli lembedwe!” Mwabona, mbubonya mbwa akaamba kuli Eva, “Kuli lembedwe! Kuli lembedwe!”

Jesu wakati, “Akwalo kuli lembedwe . . .”

²²⁰ Wa kati, “Kuli lembedwe, ‘Uyo lailila Baangelo bayo Ku kwaba.’ I Bbaibbele lyakaamba obo!” Mulombe, ngu sicikolo mupati. “Kuli lembedwe, ‘Uyo lailila Baangelo Bakwe kulailila kuli Nduwe kutegwa Yebo utali fumpuli cituta Cako ku bbwe, aku Ku nyamuna.”

²²¹ Wa kati, “Kuli lembedwe akwalo, ‘Uta sunki Mwami Leza Wako.’”

²²² Ba kati, “Tu jisi Lugwalo,” Incito 19, “twa kabapatizingwa kuli Johane.”

²²³ Paulo waka jisi cintucimwi cimbi, wa kati, “Eco ta cicibeleki limbi.” Mwabona? “Johane waka bapatizya biyo . . .” Ta kaunduluzya ijwi lya Johane. Wa kati, “Ndiyo mwaambila eco Johane nca akaamba. Johane wakati waka bapatizya ku kweempwa, kutali ku kujatilwa kwa zibi.” ICituuzyo tii cakalina jayigwa, mwabona. Wa kati, “Wa kabapatizya ku kweempwa, kwaamba cuti mweelede kusyoma ali Oyo wakeelede kuboola.” Elyo cindi niba kamvwa obu, baka bapatizingwa mu Zina lya Mwami wesu Jesu Kristo. Paulo waka bikka maanza ali mbabo wakazwide loko Ijwi, mpawo Muuya Uusalala wakasika ali mbabo. Ba katalika kusinsima, kwaamba mu myaambo, kulemeka Leza, ino cakali ciindi! Oh, ma. Ino mbungano yakali mpati buti? Kkumi ababili. Iiyi. Oh, Leza ta beleki mu myeelwe mipati, Ula beleka mu myoyo iisyomeka. Atube a musyobo wa moyo oyo. Sa mula Mu yanda? Atu paile.

²²⁴ Oh, simutuntuli wangu uyandwa, sena wakalanga ku bana basimbi ba Moabu na sena wakabona bana basimbi (Ndi kanana mambungano) aa Kaini? Mbo bwaasakene kuzwa ku Ijwi mobaleya! Sena mwa, mweenzuma wangu muyandisi, sena mwabona mu mazuba aya akumamanino cuti ezi zintu zyacitika? Sena wali kubona calino kujatikizya obo Ijwi lya Leza mbolili mukuyubuluka? Nzila olo lubukulusyo mbo lwakauma ciindi comwe lwa tontola, taakwe kunji kwa caala? Ino ncinz? Mbutontozi kakutanaba guwo lyamvula. I mbeta zili libambilide. Sena wali kwiiminina zintu ezi? Sena weezyanisya Lugwalo a Lugwalo, Ijwi lya Bbaibbele a Ijwi lya Bbaibbele, bumboni a bumboni? Sena weezyanisya Ijwi lya Jesu cuti Wa kaamba dyabulosi mu mazuba akumamanino . . . kuyo kozyanya loko, mbuli cintu cini, mane ikuti na kwali kukonzeka inga uyocenga boonse kunze lya Basale, Umwi Musale. Amuyeeeye buyo, oko kuijisya kwa Lugwalo kuyo kozyanya loko! “Oh, tula

syoma mu Muuya Uusalala, alelekwe Leza kwalyoonse! Tuli jisi Muuya Uusalala, tula kanana mu myaambo.” Elyo mpawo kunyona a kukaka Ijwi? Inzya. Mwabona, uyo cenga mbabonya Basale na kula konzeka.

²²⁵ Ikuti na kuli umwi mukati omuno oyo utaluleme a Leza, kuti na kuli umwi awa uucisidwe a kupenzegwa . . . Kuli tutambala a zintu zilede awa, Ndiyo zikombela. Nsi kwe ndaba a zeezyo nzo bulide. Zisyomezyo zyoonse mu Bbuku zizulilwa kuli nduwe. Nzi zyako.

²²⁶ Lino, Nda muletela Ijwi, ku Li leta kuzwa ku Matalikilo mane kuselemukila ku buzuba obuno mbotu ponenamo, kuuma buyo masena aku mutondezya. Myaanda minji ya masena Ne konzya kuuma kunze kwa ayo, Ta ndi jisi ciindi. Pele masimpe, muli ceeco, inga wa bona kuti zintu ezi zya tubunga zili zwide. Muzeezo wa kuyeyela kwabubeji bwa dyabulosi, kusoleka kubunganya muntu ku lukamantano lwa miyeeyo wabo beni a kuyeyya. Kakuli, walo Muuya Uusalala nko tuswaangene kuli Leza mbuli omwe. Elyo Muuya Uusalala ula zuminana a Ijwi lya Leza. Mwabona, Bbaibbele lyakati, Jesu wakati inga bayo cizumina, nywebo mwabona, “Kweena mbabonya basale kuti na kula konzeka.” Sena mwabona awo mpo twiimvwi?

²²⁷ Lino kobweza eli Ijwi lya Leza mu janza elyo lya lusyomo. Ino ncinzi nco bulide cifumo cino? Sena ubulide lubapatizyo lwa maanzi mu Zina lya Jesu Kristo? I ciziba cili jukide. Sena ubulide lubapatizyo lwa Muuya Uusalala? Uso leka kutonta nzila Yakwe muli nduwe. Sena ubulide kuponesegwa? Baa, nguwenya Muuya Uusalala Mwini, Ijwi eelyo lyabambwa kuba nguzu, nkozili mpoonya awa lino, nzyoonya nguzu zya kutweluka kulanga okuya ku bbunga eli okuno lino akubona ulya Mumuni kauzunguluka mbuli kubalama. Sa kuli Ne ka mwaambilide cintu cili coonse cilubide? [Mbunga yaamba, “Peepe.”—Mul.] Sa Nda kasola?

²²⁸ Mboli—mboli musinsimi mbwa kaambila Israyeli kabatana jana mwaami waka citwa aabantu, wa kat, “Sa kuli Ne kasola ku mwaambilila cintu cili coonse . . . Sa Nda kasola kumubwezelia mali? Sa Nda kasola kuboola aku mulomba mali aa—aa akweendeenda koonse a kukkanla mu mapalesi mapati maningi akuyaka zintu zipati maningi a kubweza mali anu kuzwa kuli ndinywe? Sa Nda kasola kulomba sheleni?” “Nee.”

²²⁹ Sa Nda kasola ku mwaambilila cintu cimwi mu Zina lya Mwami pele eco Leza ncakaleta kucitika? Sa Nda kasola kukanana mu Zina Lyakwe pele eco cakali mbubonya? Sa Nda sola ku mwaambilila cilengaano ku bbunga pele cakali mbubonya mboli muntu wakabuka, mweenzu na kufumbwa mbwa kabede, pele eco nca kaamba kuti “Obo mbwini”? Sa Nda kasola ku mwaambilila cili coonse cilubide? [Mbunga yaamba, “Peepe.”—Mul.] Mpawo andi mwaambile lino, MBUBOOBU

MBWAAMBA I MWAMI, amutambule Muuya Uusalala, Muuya oyo uyo bweza Ijwi lya Leza mu maanza aa lusyomo, kuya kulaale. I Bwami boonse buzulilwa kuli ndinywe. Mbu bwani, bana.

²³⁰ Nkaambonzi neco mwasikila kuzwa ku Georgia, kuzwa ku cisi coonse, kuzwa ku Ohio, kuzwa ku Kansas, masenaonse, nkambo ka muswaangano musyoonto? Nda syoma teepu yazima lino, aboobo, Nda konzya kwaamba ceeci. Mwabona? Nkaambonzi neco muboola mbuli obu? Ncinzi cimubamba kucicita? Ino ncinzi? Nda bona bantu awa bazwida ku Arkansas, kuzwa ku myaanda ya mamaile kulampa.

²³¹ Masiku ainda, kuboola kusakana mu Dolopo lya Kansas, mukwesu muniini muna Polishi kusule okuya, waboola, weenzegwa, kati, "Mukwesu Branham, kuzwida ciindi ni Nda kakumvwa lutaanzi okuya kaindi mu Canada myaka minji yainda, zintu nzyo kabona a kucita, Nda ka zilingula kabotu loko moonse, koonse akoonse, mujulu aansi," a kuti, "takukwe neciba comwe cazyo eco cakasola kulubila." Ambweni muna Polishi wa Katolika, nkabela ngooyu waboola, kabweza mateepu, kwinka kumasena akuya bwaalizya, kaswaanwa kulwanwa. Bakutausi abo beelede kuba a ndime aku tugwasya, pele kukaka Nguzu zya mbubo, kukaka Bwini bwa Ijwi, a kutaminina kuba a Muuya Uusalala.

²³² Nse kaliiti kuba musinsimi lwangu. Nywebo mwacita obo. Pele, na cili booboo, mpawo nkuukuli Ijwi lya Mwami nkoli zwida? Ino mbobuti mbo tuziba kuti mbwini na pe kunze lyakuti kuli cintucimwi cicigwasya? Elyo ndi Ijwi lya Leza awa, Ijwi lilembedwe. Elyo mpawo ikuti na Ijwi lilembedwe lila gwasigwa, nnokuti ngu Leza mu Ijwi elyo kubamba Ijwi kuba bwini. Paulo wakati, "Mutobele ndime, mbuli Mbwe tobela Kristo."

²³³ Lino, ikuti na ubulide Leza ku bulwazi, ku lufutuko, ino...na kugusya... Nywebo nobanakazi nomu tajisi luzyalo lukubwene lwa kulekela masusu aanu kulampa, bamwi banu nobaalumi abo bata jisi luzyalo lukubwene lwa kuleka kufweba misanga yatombwe, bamwi banu nobakambausi taba jisi luzyalo lukubwene lwa kutambula bwini bwa lubapatizyo lwa maanzi mu Zina lya Jesu Kristo, bamwi banu nomuciswa a kuciswa ca lufu, nkambonzi tamubwezi Ijwi eeli cifumo cino. Nda mwambila lino, Lyaba mu mubili akati kesu! Bweza Ijwi eelyo mu janza lyako.

²³⁴ Mpaawa kwaanzikidwe cifoto aa bwaanda, ca Angelo wa Mwami, Oyo nguwenya waka solelala bana ba Israyeli, Oyo nguwenya wakaswaana Paulo, Oyo nguwenya wakali muli Kristo. Alimwi nguwenya Muuya Uusalala uli muli ndinywe, muli ndinywe, ku mukamantanya mbuli bumwi. Ncinzi cibamba myoyo yesu kuswena antoomwe kwa myaanda ya mamaile? Taakwe cintu mbuli ncico mu cisi. Ba boola ku Ijwi.

²³⁵ “Kuli kasensa kazwide Bulowa, buzwa ku nsinga zya Imanuele, oko batasyomi nkoba dumpukila kunsi lya kupaya, a kusweekelwa tubala toonse twa zibi zyabo. Kuzwida eelyo ku lusyomo Nda kabona kalonga aka kakunka kuzwa ku zilonda Zyako, luyando lunununa lwakaba kuyabila kwangu, alimwi luyooba kusikila Ndi kafwe.”

²³⁶ Taata wesu Wakujulu, mpaawa kulede mulwi wa tutambala, maglovu, aziinke mu mposo. Ta ndizi oyo wa zibikka awa, ambweni Billy, ambweni mbantu omuno mu bbunga. Nda limvwa buyo kucicita lino, Mwami. Taakwe cintu mu maanza angu, taakwe cintu muli ndime mbuli muntunsi. Tii ndayaamina ku kumvwisyia kwangu kwa buntu. Ta ndimvwisyi nkaambo eci ncecili boobu, pele Ndi tobela eco Nco kaamba. “Ba kagwisya kuzwa ku mibili wa Paulo, tutambala a tusila, nkabela myuuya mibi yazwa ku bantu.” Takuli kuti wakali muntu mulemu, kwakali ku kaambo kakuti Leza wakali a nguwe mu Ijwi a mu nguzu. Alimwi taakwe nakabuzya baapostolo, pele kajana kuti cindi ne bakaswaangana antoomwe kuti Makanimabotu, ciimo nciconya ca lubapatizyo, zintuzyonse zikozyenye nzo bakali kucita, zyakali kozyenye mbubonya.

²³⁷ Lino Ndila buzya, Mwami, nkambo ka bantu aba bayandisi balo ba Ku syoma, kuti Uyo obaponya. Balo mu bbunga, koba ponya, Mwami. Akube kuti lusyomo lwabo lusike nconzyo mujulu a kujatilila buyo Ijwi ndyoonya lino, a kwaamba, “Cikoto, bulwazi, bubyaabi, inga akwalo zyazwa, Nda kosola kubelesya Cceba lya Leza! Nda syoma! Lusyomo lwangu nduyumu. Ndi siminina Cceba cakusakana. Kozwa mu nzila yangu! Nda nyamuka kuzwa mu cuuno cangu, ku kuba kabotu.” “Nda bikka maanza angu ali taata wangu, a mucizi wangu, mwana wangu, atala lya simukoboma. Nda syoma. Ijwi Lyako Mbwini. Ndili mu bumwi a Nduwe. I milimo eyo Njo kaamba kuti Wa kaicita, inga tuyo icita aswebo. Mwami Leza, Nda syoma Ijwi lyonse. Elyo Nda boola kumbele, kuboola kumbele kuzotaminina ncico, ku cibweza cifumo cino.”

²³⁸ O Leza, obo Mbwe konzya kuyeeya cindi mbungano niyakali mu lweendo, cindi Musa na kayoowa anini kunseleno okuya lwizi, wa katalika kulilila Mwami. Elyo Mwami wakati, “Nkaambonzi ncolilila Ndime? Ncinzi ncolilila Ndime? Koamba akuya kumbele! Sa Nse kakutumina ncito? Koamba!” Kwaamba nzi? I Ijwi lya Leza. “Lili muli nduwe. Koamba akuya kumbele. Utali lili Ndime. Koya kumbele.”

²³⁹ Elyo, Mwami Leza, sunu Nda boola mu Zina lya Mwami Jesu. Nda boola kwaaba eli Cceba lya lusyomo, kutaminina bumwi bwa Leza a muntu kwiinda ku Muuya Uusalala, kwiinda mu luse a cituuzyo ca Jesu Kristo Mwana Wakwe. Nda sampaula dyabulosi onse waangide umwi munzila ili yoonse mu buyake obu, naa mulombe na musimbi, mwaalumi na mwanakazi. Nda sampaula bulwazi. Nda sampaula kuzumbauzya koonse.

Nda sampaula kuyoowa koonse. Nda sampaula zintuzyonse zitali zyabunaleza, kusiya bbunga eli mu Zina lya Jesu Kristo! Kozwa mu bbunga eli, kutegwa tube bomwe a Leza akukonzya kubelekela Leza kakutakwe bulwazi na kuyoowa. Akube kuti Nguzu zyaka tubamba kuba bomwe a Leza... Mbobuti ulya dyabulosi mbwa konzya kulyoompolweda koonse ku bananikidwe? Mbobuti ulya dyabulosi mbwa konzya kwiima okuya kalyoompolweda mbuli Goliat? Cindi Davida nakasika ku cilabba, a kuti, "Mwaamba kuti mwazumizya ulya mu Filisiti uutapalwidwe kwiima alya kasampaula impi ya Leza muumi?"

²⁴⁰ O Leza, bamba baalumi a banakazi kunyamuka mu nguzu zya Muuya. Lekela ulya utanasanduka, oyo dyabulosi sikuusa wakacisa mukowa wabantu muciindi ca bukkalo, kwiima awa aku susya mbungano ya Leza muumi? Saatani, ko zwa, a kweenda, mu Zina lya Jesu Kristo!

²⁴¹ Lino, nywebo nomu jisi nsana zikubwene zya kwaaba Cceba, lino mukuti twa jana kumvwisyia kukubwene mu Ijwi lya Leza lyaku Li taminina kuba cikono cako, oyo unga wabweza Ijwi lya Leza lino mu janza lyako, ko Li jatilila kunembo ku janza lya lusyomo, a kwaamba, "Nda bweza lubazu lwangu ku Mwami. Ndiyo oba bumwi a Leza wangu, kuzwida awa eno. Ndiyo abu eli Cceba lya Muuya mu Ijwi eli, elyo Njo gonka dyabulosi ku zisyomezyo zyoonse ezyo Leza nzya kandi syomezya."

²⁴² Ikuti na wasyoma obo a moyo wako oonse, mpawo Nda kulomba cakusinizya a moyo wangu oonse, mu Zina lya Jesu Kristo, koima ku matende ako aku citambula. Sena wakanzila? Sa wasinizya? Sena Ijwi lili mu janza lyako? Sena janza lyako ndusyomo? Nyamuna janza lyako lyakunyama kuli Leza, koamba, "Leza, kwiinda kuli ceeci, kwiinda ku kutambika janza lyangu Nda konkezya buumi bwangu boonse. Nda konkezya buntu bwangu, Nda konkezya kuyeeya kwangu, Nda konkezya zintuzyonse ku Ijwi lya Leza. Lekela Muuya Uusalala ubweze lusyomo lwangu lino aku ndipa cintu. Temauna kuzumbauzya koonse kuzwa kuli ndime. Elyo, kwiinda ku lusyomo, Nda tambula cisyomezyo eco nce Nda lombela, kaindi aka."

²⁴³ Ikuti na wa cisyoma, amba, "Ameni," lino. [Mbunga yaamba, "Ameni."—Mul.] Amba, "Ameni," alubo. ["Ameni."] Ameni, ameni, ameni! Mpawo, ikuti na wa kanzila eco a moyo wako oonse, mu Zina lya Jesu Kristo, Nda kusyomezya eco ncolombela. Ameni. Ko cisyoma a moyo wako oonse. Leza aku longezye.

Mukwesu Neville.



BUMWI TNG62-0211
(Oneness)

Oyu Mulumbe aa Mukwesu William Marion Branham, wakakambaukwa lutaanzi mu Chikuwa mu Nsondo kuseeni, Mulumi 11, 1962, ku Branham Tabernacle mu Jeffersonville, Indiana, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org